

K 32915/A

L. xii. lpe



78 706580)
Q. D. B. V.
DISSERTATIO MEDICA INAVGVRALIS
DE
IPECACUANHA
AMERICANA, ET
GERMANICA,

RECTORE MAGNIFICENTISSIMO,
SERENISSIMO PRINCIPE AC DOMINO,
DOMINO
GVILIELMO HENRICO,
DVCE SAXONIÆ, IVLIACI, CLIVIÆ AC MONTIVM,
ANGARIÆ ET WESTPHALIÆ, & reliqua,

PRÆSIDE
GEORGIO VVOLFFGANGO
VVEDELIO,

HEREDITARIO in Schwarza/
MEDICINÆ DOCTORE, COMITE PALATINO CÆSAREO,
CONSILIARIO ET ARCHIATRO DVCALI SAXONICO,
THEORETICES PROFESSORE PVBLICO ORDINARIO,
Patrono & Præceptore omni pietatis cultu honorando,

PRO LICENTIA

Summos in arte medica honores, Insignia & Priuilegia Doctoralia,
MORE MAIORVM, rite capeffendi,

PVBLICÆ ERVDITORVM DISQVIGATIONI EXPOSITA

IOHANNE LAVRENTIO LEINCKER, Noribergensi
IN AVDITORIO MAIORI,

Horis ante- & pomeridianis consuetis, A. D.

April. A. C. M DCCV.

JENÆ, LITTERIS CHRISTOPH. KREBSII.



DISSECTATIO MEDICA IN VAGVARIS
DE
GERMANICA
RECTORE MAGNIFICENTISSIMO
DOMINO
GUILIELMO HENRICO
DUCE SAXONIE, IVLLACI, OLIVIE AC MONTIV
ANGARIE ET WESTPHALIE, & reliquis
GEORGIO VULFEGANGIO
VVEDELIO
HEREDITARIO in Germania
MEDICINE DOCTORE, COMITE PALATINO CREATO
CONSILIO ET ARCHIATRO DVALL SAXONICO
THEORETICES PROFESSORE PUBLICO ORDINARIO
PRO LEGIS
Summo in arte medica honores, Ingilgus & Pseudologia
MORE MATRUM, THE CAPUT
PUBLICO ERUDITORVM DISPOSITIONE
IOHANNES LAURENTIO LINN
IN VAGVARIS
HABITANS ET PRAESENTANS CONSENSU, A. D.
JANU. LITTERIS CHRISTOPH. WERNER



PRÆFAMEN.



Oncinne C. Plinius l. 8. epist. 20. ita natura comparatum est, ait, vt proximorum incuriosi longinqua sectemur; seu quod omnium rerum cupido languescit, cum facilis occasio est, seu quod differimus, tanquam sæpe visuri, quod videre datur, quoties velis cernere.

Ast vti verissimum hoc est, & non raro vitio vertendum, si aliunde haurias aquam, meliori in proprio fonte reperiunda; ita naturæ ministros medicos decet, & patria lustrare dona, & peregrina sectari, ex vtrisque Dei O. M. maiestatem venerari, & humano generi salutarem opem venari.

Consultum hinc omnino & necessarium, & domi esse curiosum, & aliunde asportata non negligere, sed examinare & seligere. Nondum exhausta est botanica in nostris oris, quin noua aliqua quærentibus obuiant. Sufficiat in exempli vicem vel vnicam *plantaginem gramineam flore sulphureo* nominare, plurimis, si non omnibus quasi, inuisam, & copiose tamen & sponte luxuriantem.

Longe maxime vero adaucta est supellex botanica & medica post, quæ per celeberrimorum virorum curas institutaque commercia, exoticorum additione, & vtilium & iucundorum, admirandorum singulorum, quotidie apud nos increscit catalogorum moles.

Instar omnium iam sit IPECACUANHA Americana, cuius radix decantatissima adeo illexit Europæorum animos, ut asportari cœperit magis, & in vsum vocari, imo caput erigere & aliis contra applausum mereri.

Hanc itaque dum Speciminis Inauguralis loco delibandam sumsimus intimius, diuinum imploramus numen, ut id eueniat feliciter!

CAPVT I.

Ipecacuanhæ historia & species.



Talia, ita etiam medicamenta non omnia vnam eandemque experiuntur fortunam. Alia præ inuidia cum suo moriuntur auctore, alia noxia futura mature in prima suffocantur herba, qualis erat planta hæmagoga a Galeno memorata. Non parum vero vbiuis refert, quem Auctorem habeant, imo & quem patronum, vel præconem.

Valet id tum in aliis, ut in anatomicis ipsis, vbi de inuentionis gloria sæpe certamen est non leue, & tamen hoc non obstante non emicat illa gloria longius, sed transitoria est, non ferens semper ætatem. Factum id fuit circa chirurgiam infusoriam, aliaque. Habent scilicet ista sæpe instar astrorum, & in cœlo conspicuorum phaenomenorum: quædam in principio admiramur vel nouitatis specie, hinc quando fatiscunt vel expirant, obliuioni traduntur, non comparentia amplius.

Seor.

Seorsim cum versetur circa noua simplicia, maxime ex nouo orbe allata, vel alioqui incognita, quædam a medicis solidioribus in forum producantur, plurima a mercatoribus. Non omnia idem experiuntur fatum. Nouitate abblandiuntur, raritatis iure amantur, sæpius vero, quam quod visum oblectent, nihil commodi nobis præstant, & illorum possessio vix alia felicitate beat possessores suos, nisi sola hac laude, qua possidere rem illam dicuntur. Alia vero vtilitatis quoque inexhaustæ laudem amœno nouitatis suæ titulo iunctam habent, qua maxime sese commendant, vnde medicorum in specie, si non & aliorum, industria curiose conquiruntur, interque arcana eorum religiose custodiuntur.

Cum ergo ab vtili æstimanda hæc talia veniant vni-
ce, arduum est & rarum contingens quasi, vt in classi-
cum vsum cedant, vt officinalium ordini honorifico &
salutari associantur. Imo, vt alias quoque in capeffen-
dis honoribus mora opus est, ita ex alio loculo ipsa cir-
culatio sanguinis, olim & in nomine & in re notissima,
cum velut ex orco reuocata esset ab *Harueo*, plurimos
offendit aduersarios, prius, quam in scholis medicis reci-
peretur. Nec prius id factum fuit, quam *Walaus*, *Bartbo-
linus*, *Rolfincius*, *Conringius* suis votis fastigium ipsi præci-
puum foenerarentur.

Gialapæ radix ante centum hosce annos iam inno-
tuerat, a *Fonsæca* Lusitano cum laude & viribus memora-
ta tom. I. consult. 11. p. 97. nobilitata vero demum pluribus
annis post, Rolfincianis præcipue experimentis, interque
præcipua merita est reponi purgantia.

Lapis porci spinosi dicti, ab eodem *Fonsæca* iam con-

tra colicum dolorem commendatus in infuso, *Tom. II. conf. 81. p. 472.* nostra demum ætate nouum splendorem per experimenta recentiora indeptus est. Fatendum tamen hoc quoque, quod non cuiusuis sit experimenta facere, ob raritatem, ob pretium, ob alia, vt hæc & similia inter desiderata potius medica reponi mereantur sæpe, quam inter experimenta, & reliqua pharmaceutica præsidia. Idem obtigit quoque Ipecacuanhæ suo loco.

Primum & præcipuum nomen est IPECACUANHA, id enim merito sequimur, quamuis Ipecacoanham vocet *Marcgrauius*, alii hypecacuannam, Ipecuanham, & aliis similibus alii passim, sine & cum aspiratione.

Barbarum id quidem est nobis, sed si quæ lingua naturalis, quam vocant, detur, aut potius ex viribus de nominis ratione augurandum fuerit, videtur sonare idem, quasi dicas, sistens alui fluxus. Sin ad Græcanicam quandam analogiam respicere velimus, maxime illi quadrat ὑπὲρ, *hypecum Dioscoridis*, & veterum aliorum, idque tanto magis huic nostræ assignari posset, quanto obscurius illud est, & hodie minus vel cognitum apud nos, vel in usu.

Ad hunc sensum hypecoum hoc, idem audiens ac obsequium, obediens, notauerit medicamentum expertum, cui fidere possis in demandata sibi prouincia. Vtut enim non absolute dici possit remedio, verbis *Helmontii*: Vade tu ad talem venam, & ad istum locum; nihilominus tamen actiones specificorum sunt determinatæ, sub directorio Archei, & certo sensu id verum est omnino. Sic cantharidum acrimonia volatilis ad vesicam terminatur, purgantium vis ad intestina, opii virtus ad cerebri poros resultat.

Primus, quod sciamus, & plantæ huius nomen, & ipsius iconem vsumque & dosin publice edidit *Guilielmus Piso*, & quidem gemino libro. Prior est *Historia Naturalis Brasiliae, Amstelodam. 1648. eiusque lib. 4. de facultat. simplic. cap. 65. p. 101.* quod integrum iisdem verbis transtulit & repetiit latius Altero *de India vtriusque re naturali & medical. 4. c. 53. p. 231.* & alibi passim eius meminit, vel hoc nomine famam immortalem meritus.

Longum foret illa huc singula transcribere, quæ suis loculis delibabimus; non possumus tamen non locum vnum, saltem primum, eumque instar omnium, ubi illum non quæras locatum, ex *l. c. lib. 2. p. 20.* excerpere: Cum res medica, *inquit*, fere hic (in Brasilia) absoluator meris vegetabilibus, quorum copia facile inopiam mineralium compensat, vomitoria plurima in usu sunt. Sed ceteris facile palmam præripiunt celebres illæ radices Ipecacuanhæ. Ad has primum refugium capiunt omnes pariter incolæ, utpote tutissimas ad extirbandum, siue assumptum venenum, siue cacochymicam saburram, circa præcordia hærentem. Præ ceteris autem reuulsione gratia exhibentur, contra fluxus ventris, nimium in Indiis familiares. Pluribus encomiis hanc eximiam panaceam extollerem; sed vereor, ne Satyricus quispiam id de mea Ipecacuanha, quod tempore Catonis de brassica nimium laudata dixit: Brassica dia Catonis. Hactenus ille.

Secutus eundem fuit coætaneus *Georg. Marcgravius Hist. Plantar. libr. 1. c. 9. p. 17.* laudandus itidem in sequentibus. Hinc vero per plures annos veluti latuit incognita. Sicuti vero virtus semel emicans latere nescit; ita per

vicinos Lusitanos, per curiosos Belgas, & si non medicos, tamen alios quoque rerum gnaros, in lucem missa est de-
nuo, quandoquidem circa annum M DC LXXXIV. circiter
a seplasiariis horum curam gerentibus, & curiositati alio-
rum satisfactoris, speciatim vni alterique medicorum mit-
tebatur, cum adiuncta schedula huius commatis:

Radix auri vil bequenli ist eine rare Wurzel/so aus
noua Spania per Cadix und Sicilien gebracht wird / und
allda in grossen æstim: wird für unterschiedliche
Kranckheiten gebraucht / insonderheit ein excellent und
approbirtes Mittel für die rothe Ruhr / oder dysente-
riam; wird gemeiniglich gebraucht des Morgens/ und
ist deren Würckung daß es macht vomiren und treibet
den Urin. Für eine starcke Persohn pulverisiret eine
drachma, so aber der Patient schwacher Natur / ei-
ne halbe drachma; Kindern nach advenant weniger;
und ist der Gebrauch in Spanien folgender:

R. rad. auri vil bequenli pulu. ʒj.

gran. mastich. pulu. ʒj.

∇. portulac. ʒiij.

M. F. potus pro dysenteria.

Huius proinde D. Praeses in Dissertatione quadam de Dy-
senteria Anno M DC LXXXVII. habita, paucis his men-
tionem fecit, reseruatis, quæ vltius dicenda fuerunt,
in præsens. Cum enim ad experimenta capienda suffi-
cienti quantitate, (verba sunt Dissertationis istius,) tunc
temporis nondum suppeteret, neque occasio ipsa quot-
annis se offerat dysenteriam curandi, illius saltem tunc
meminisse suffecit.

Ceterum, quod ad nomen hoc, quo in MSto illo
signi-

significabatur, attinet, eodem sine dubio iure radix *auri* vocata est, quo Gallis adhuc hodie *mine d'or* audit, eo quod præcipue super auri mineras, non tamen nisi diffusissima raritate dispersa, crescere deprehendatur, (ita olim putabatur,) vt vix duodecim eiusdem per anni totius spatium conquirendis libris sufficiat collectioni maxima sedulitate intentus; vel potius ob virtutes auro contra æstimandas.

Quid vero voces *vil bequenli* sibi velint, explicare arduum fuit primitus; nunc vero facilius longe ex legibus criticis, post, quam hætenus innotuit, Lusitanis illam audire *Bequiuli*. Cum enim id scriptum non esset æque a medico, vel descriptum potius, vix dubitandum videtur, legendum fuisse, & sic emendandum: radix *auri*, vel *bequiuli*, siquidem particula *vel* facile ob literarum minus gnari scriptoris incuriam in *vil* transmutari potuit, vti pro ignoto similiter, *bequiuli*, exprimi & scribi *bequenli*. Vt adeo lectio hæc genuina haberi possit iam & restituta.

Memorandum hic restat aliud adhuc nomen, sub quo Hispanis venit hæc radix, *Cipo* vel *Sipo de Cameras*, quo talis innuitur radix, quæ fluxum coërcet, prout ex scito cuiusdam linguarum peritissimi id comperimus. Ita vero scribit ille: Le mot espagnol *Sipo* veut dire les entraues, que l'on met aux prisonniers, ou *speciem vinculi*, & *Cameras* déuoyement ou *fluxum*, de sorte, que si c'est vne herbe, vne racine, ou vne plante, il faut nécessairement, qu'elle ait vne qualité astringente. Hætenus ille, cuius sane explicatio egregie huc quadrat.

Neque abludit ab hoc, sed confirmat potius, si putemus vocem hanc Hispanicam *sipo* idem notare ac in Italica *siepa* vel *siepe*, quæ sepem Latinis denotat, Germanice

einen Zaun/ Gehäge/ qua via elabendi præcluditur. Possumus enim inde manifesto metaphoram colligere, vt denotetur hoc ipso remora quæcunque, & hoc loco alui fluxus.

Ab illo tempore siluere iterum eius encomia, donec in Gallia increbescerent egregia occasione, quando ibidem a mercatore Gallo, *Grenier* dicto, ex Hispania Lute-tias Parisiorum centum & quinquaginta libræ radicum harum allatæ fuerunt, diuisa cum medico *Hadriano Heluetio* commendandi & adhibendi illam gloria, inter quos postmodum diffidium intercessit de lucro inde hausto. De hoc legi meretur summi viri *Gudefridi Guilielmi Leibnitii Relatio ad inclytam Societatem Leopoldinam Natura curiosorum de nouo antidyfenterico Americano*, magnis successibus comprobato, editioni secundæ Martini Listeri sex exercit. medicinal. appensa, M DC XCVI.

Inde vero vbertim de eadem scripsit *Pometus, Histoire de Drogues part. 1. l. 2. c. 1. p. 45. & in appendice*. Seorsim vero quoque Nobiliss. D. *Valentini* tum in peculiari erudita dissertatione, tum in *Museo Museorum lib. 11. sect. 2. cap. 1. pag. 147.* de ea optime egit. Quin & ad genus plantarum certum relata, & apud *Raium Historia Plantar. Tom. I. l. 13. c. 17. p. 669. & Tom. III. l. 12. p. 350.* illustrata est. Nihil ergo iam restat, quam vt communi senatus consulto officinalibus aliis plantis iungatur, vti id primus, quantum constat, fecit *Ludovic. Penicher*, Pharmacopœorum Parisiensium præfectus, in *Collectan. pharmaceuticis* 1695. editis, vbi *class. I. p. 9.* in materia medica *Ipecacuanha radix* memoratur.

Patriam quod attinet, quotquot de illa primitus scripsere,

psere, eandem ipsi assignant Brasiliam, florentissimam America septentrionalis regionem, terram diuitiarum pariter ac omnis generis plantarum, tam medicamentosa qualitate salutarium, quam formæ solum elegantia & raritate æstimandarum, fertilissimam. Vnicum exempli loco sit, in mechanicorum operariorum commoda vtilissimum, pro tingendis eleganti rubedine rebus, lignum Brasiliense, officinis quoque nostris familiare. Illic ad fluuium (si *Pometi* effato credamus,) Rio de Genecyro Hispanis dictum primario nasci visitur, licet specialis ille locus non absolute Ipecacuanhæ proprius prædicari possit, cum differentes inter se species diuersum quoque natale solum sibi vendicent. Brasilia interim seorsim patria est, quæ præclarum hunc benigne nobis largitur thesaurum, siquidem Belgarum cura & Lusitanorum, qui commerciorum iure radicem possident, facile ad lares nostros potest pertingere.

Vtut vero primi inuentores fuerint Brasilienses, non improbabile tamen est, eandem & aliis in prouinciis Americanis crescere, vti sane *Grenier* ex Peruuia afferri scribit. Idem de noua Hispania & forte aliis licet asserere quoque.

Prius, quam hinc progrediamur, & illud notabile est, velut remouenda a notione genuina æquiuatione, Ipecacuanham aliam esse improprie, aliam proprie dictam. Enimuero, teste *Pisone lib. 4. Hist. nat. & med. c. 53 p. 232.* Caa-apix quoque radix, eiusdem fere cum Ipecacuanha præstantiæ & efficacix, Ipecacuanha abusiue a quibusdam appellatur. Cuius vicem licet in vomitu ciendo, & alui profluuiio compescendo, egregie suppleat; attamen cum nobis sit incognita adhuc, καὶ ἀγνοῦν, satis fuerit

fuerit illam meminisse, & remouere tantisper, seu ut differentem iudicare, adeoque ab eadem Ipecacuanham distinguere, ut meretur.

Cumque in omni quasi materiae medicae selectu id requiratur, addendum & illud est, ad omne dubium & falsationem (succedanea, quid pro quo vocant, etiam a priori,) tollendam, a seplasiariis aliquando Ipecacuanham desiderantibus fuisse eius loco missam & substitutam, sub praetenso genuino nomine, falsam rem, serpentariam Virginianam, quam asarum Virginianum vocat *Pharmacopœia Londinensis*. Hæc vero cum toto cœlo differat, ceteroqui & suo loco medicamentum laude dignissimum, omnino nullatenus cum Ipecacuanha est confundenda, sed suo loco relinquenda.

Quandoquidem ergo de Ipecacuanha vera & proprie dicta vnice sit sermo, remotis reliquis, de huius speciebus & differentiis agendum venit porro, tanquam ordine genuino & naturali.

Primitus, auctore *Pisone*, duæ tantum species fuere nominatæ, distinctione a radice eiusque colore petita, *fusca*, ipsi secundo loco, & *alba* primo proposita, vtrique Brasiliæ Americanæ debita. Jure vero merito tertia addita est a *Pometo*, eaque primo loco, vtrisque dictis suo modo anteponenda, quas hinc eodem ordine recensere nobis integrum & concessum erit, non sine ratione congrua.

Enimuero de prima, si illius verbis uti licet (*Pisoni* ipsi indicta,) ita infit in appendice, tanquam posterioribus cogitationibus, verso Gallico idiomate in Latinum:

Tres species Ipecacuanhæ asportantur ex America : *grisea*,
seca,

seca, seu cinerea, *subnigricans*, & *alba*. Grisea venit ex Peru, & nos illam accipimus e Gadi. Hispani appellant Bexugillo, quod Galli pronunciant Becouguille.

Sed uti Pometus lucem foenerat descriptioni Pisonis, ipseque suis præmissis: ita & ipsi commentarii vice quædam addi merentur, partim ex rei ipsius scrutinio, partim aliorum accessione. Occasionem huic præbet laudatum nomen radicis, seu herbæ in genere. Sane dum beguquella, specacuanha, cagosanga, beculo, beloculo, & fabuloso nomine, iam tacto, mine d'or ab ipsomet audire refertur, certi argumenti hoc præbet locum: Quæcunque plantæ pluribus gaudent nominibus, plures obtinere amatores, curiosos, illas in usum trahentes, vel minimum tractantes; ut celebritas vel inde emicet & pluralitas ipsa, seu diuersitas locorum, ubi vel crescit, vel exportatur aliorum, vel vocatur in usum.

Commode huc quadrat nomen Bexugillo. Nisi enim nos omnia fallunt, vel idem est hoc ipsum, vel diminutivum a Bexugo dictum. Vbicunque vero & nominis, & rei, & loci, concurrat conformitas, quis dubitet de identitate, seu vnam eandemque esse hoc loco radicem purgantem, seu *αἰω*, seu *κατω*;

Audiat *Carolus Clusius*, qui in *Nicol. Monardis simplic. medic. Hist. cap. 51.* quod est de mechoacanna p. m. 340. cum mentionem fecisset radicem Quimbayæ purgantium, subdit: Illis forsitan similes erunt, quas ad me Diepa mittebat doctissimus vir Godofredus le Brun, medicus Regius, *Bexugo del Peru* appellatione, quarum drachmam sumtam, purgandi vim habere scribebat; præferrique mechoacan & nucibus Indicis purgatiuis. Erant vero illa,

farmenta verius, quam radices, longa, æqualis fere vbique crassitudinis, digitalis videlicet, nonnulla etiam minora, lenta & funiculorum siue atragenæ farmentorum instar nonnihil contorta, cortice cineritio obducta, valde nervosa interne, lenti gustus initio, deinde nonnihil acris & saliuam cientis, denique guttur & fauces vrentis, breuiter ad atragenæ farmenta proxime accedentia, vt quodammodo mihi persuadeam, atragenes fuisse farmenta illis in locis nascentis.

Hæc si vera sunt, vti sane videntur verissima, minimum iam ante centum & triginta annos etiam in Europam peruenit Ipecacuanhæ huius notitia, quæ denuo seu postliminio erexit caput, & a Gallo, *Pometo* inquam, rerum harum peritissimo descripta est.

Speciatim ergo prima sit hæc Bexugilla, *Ipecacuanha Peruuiana grisea Pometi*, vt sic honori descriptoris huius cedat, & complete ac distinctius sic statim concipi queat, grisea illa, quæ cum bexugo Clusii, si rem penitius æstيمemus, quamplurima habet communia. Huius radices, verbis *eiusdem*, paulo maiores crassitiem habent, trium circiter linearum (murariorum.) Sunt illæ contortæ, corrugatæ per annulos, griseæ, traiectæ in longitudine chorda, vel neruo pallidiori. Et chorda hæc inducta est cortice, crassitie vnus lineæ, fragili, quando sicca est, amara, resinosa, in quo virtus potior reperitur. Radices ordinarie venales sunt crassitie lineæ vnus & semis, ad duas vsque, & sunt omnino optimæ.

Altera est *Ipecacuanha Brasiliensis fusca Pisonis*, cuius iconem idem, vt & *Marcgrauius*, *Pometus*, & sine dubio etiam *Petiucrius*, cuius summaria *Tomo III. Hist. Plantarum*

Raius

Raius recenset, exhibent. Quoad herbam (verbis *Pisonis & Marcgrauii*,) est longitudinis semicubitalis, trinis vel quinis (sex, septem, octo,) foliis ornata. Gaudet locis opacis, & tantum in densioribus reperitur nemoribus. Flores albi pentapetali. In summitate caulis baccas producit nigras, vel brunnas, sed paucas, cum duobus granis duris flauescentibus. Radice, quæ potissimum in censum venit, est tenui, tortuosa, nodosa, fusci coloris, saporis ingrati, amari, calidi & acris. Masticata enim ingratum paulo linguæ offert saporem, subamarum, terrestrique stypticitate nauseosa mox deprehenditur, quem characterem acredine quadam salsa papillis impressa figillat. Insignis tandem & mere ligneus per radicis longitudinem in medio excurrit neruus, qui facili negotio separatur a corticis, in recessu subresinosi, substantia rugosa, multisque hinc circumcirca inscriptis annulis sulcata.

His notis electionis facile vtrique patere potest, & absolute alterutra solum, & comparate, si geminæ radices, grisea & fusca, oculis simul offerantur. Ita enim, præter signa communia, & propria distinctiua applicari possunt. Prima est grossior, grisea, incurua; altera subnigricans, vtrique nuda magis in rugositate sua superficiali, citra filamenta tenuia, separata.


Reperitur & bifurcata, inprimis grisea, quæ ipsa etiam respectiue est magis paulo æqualis, rugosa magis fusca altera. Mutata tamen paululum facie illam apparere credibile est, si quis recentem illam conspiceret & degustare posset, de qua *Marcgravius* loqui videtur, ubi corticem radicis ruffam esse dicit instar tormentillæ, radicem vero interius albam, & in medio medullam habere,

re, a qua reliqua substantia viridis detrahi possit, medullaque remoueri. Imo etiam, more ari & aliarum, sine dubio recentis sapor & amaricans & acris magis fuerit, qui apud nos in siccata est remissiori gradu.

Tertia est *Ipecacuanha alba*, de qua si Brasiliensem intelligamus, cum nondum nobis visa & explorata sit, vt ceteræ, non ita confidenter asserere prædicata & affectiones concessum est. Illam vero *Marcgravius* plane subticet, *Piso* non nisi leuius tangit, quod sit radix crassa, filosa, albicans, Lusitanis *Ipecacuanha blanca* dicta, la blanche Gallis. Similis fertur omnino been albo, aut radici dictamni albi, ceteroqui non amara, nec annulis nodisque rugosa, vt species duæ reliquæ.

CAPVT II.

De charactere Ipecacuanhæ, & speciatim Germanica.

 Vm iam, ad ductum historiæ & naturæ rei, species *Ipecacuanhæ*, in quantum innotuit, recensuerimus, proximum iam est, vt genus disquiramus, sub quo in ordine botanico contineri possit, ipsamque lustremus plantam secundum characterem suum, crescendi modum, aliaque huc spectantia.

Difficile hoc videtur prima fronte, imo arduum & impossibile, citra ocularem inspectionem curatiorem, imo & quod plures hodie innotuerint plantæ, quam vt cognitis generibus, a veteribus etiam iamdudum agnitis, subordi-

ordinari ament. Attamen ardua scrutinio huic, in gloriam maiestatis diuinæ instituto, nulla est via, vnde id quoque audebimus pro virili.

Rectius præ aliis, intuitu baccarum in herba reperiundarum, ad classem herbarum bacciferarum Ipecacuanham collocat *Raius*, qui hinc *herbam paris polycoccam* illam appellat. Ast ne sic quidem videtur satisfieri per omnia plus ultra tendenti animo inquirenti. Enimuero & diuerso foliorum positu & florum seminumque figuris differentibus, (quæ tamen coniuncta characterem, qui genus monstrat, constituunt,) a nominata iam herba paris, vel solano quadrifolio baccifero C. B. aliquid recedit. Huius enim folia quaternæ æquabili circulo caulem suum sub flore solitario tetrapetalo amplectuntur, inque baccis, ceu seminalibus capsulis semina plura triangularia deprehenduntur, notante id curiosissimo *Volcamero in Flora Norib.* aliisque. Ipecacuanha vero (de fusca illa ceu comunissima, omnibusque certissime nota, iam sermo est præcipue, hanc enim pro norma, ad quam reliquarum quoque Ipecacuanhæ specierum differentias específicas diiudicemus, eligere necesse habemus,) lenticularis figuræ semina, secundum *Pisonem*, solum bina promit, flosculos plures ordine & numero indefinitos, vt & folia indiscriminatim hinc inde petiolis suis propriis innixa, quorum ordinem & figuræ similitudinem ad parietariæ folia accedere *Pometus* affirmat, de quo mox.

Nec maiori etiam iure ad *pyrethri*, quod ex umbelliferorum familia est, vel *nasturtii*, quod secundum *Raium* ad plantas tetrapetalas siliculosas pertinet, classem referri posse Ipecacuanha videtur. Et horum enim exoticorum

genus forsitan esse nasturtium visum fuit in principio etiam curatioribus naturæ ruspatoribus, prius, quam de eo constaret penitius. Videri meretur de hoc eruditissimus *D. Eman. König in Eph. N. C. Decur. II. Ann. X. obs. CXV. p. 211.*

Faciunt huc tum saporis quædam acrimonia diu persistans, unde quamuis assumpta aliquot sedes moueat instar rhabbari, huic tamen similis non est, cum intus albicet & exterius strias habeat velut radix bistortæ; tum conclusio facta a posteriori, quia olim iam semen nasturtii remediis contra dysenteriam admistum fuit; imo etiamnum semen sophiæ Chirurgorum vulgo eo nomine non parum æstimatur. Sed nullo modo id vitio verti debet viris doctissimis in re dubia, quin laudandum potius est, & optandum, ut quilibet vel minimum adferat liberrimo voto, ad eruendam veritatem: ita enim vel κατ' ἀγὼν ulterius licet progredi. Ceteroqui facile hodie claret, ad hoc genus Ipecacuanham minus quadrare, licet & flores nasturtii floribus sint quodammodo similes.

Ad *clematides* seu sarmentarias referre visi sunt, qui primitus sub Bexugo nomine illam comprehenderunt, quæ *C. Baubino clematis Peruviana* hinc audit, sed descripta sine examine. Utut vero clematidi similis scribatur, sarmenta æmulans, & instar illorum nonnihil contorta, ipsaque clematis *Dioscoridi* quoad semen scribatur ἀγεῖν καὶ τὸ Φλέγμα καὶ χολήν, *purgare per aluum pituitam & bilem*, reliqua tamen non respondent. Ipecacuanhæ radix sarmentosa est & geniculata, hinc inde viticulas spargens, sed in radice, quæ contorta & flexuosa est, & sic simile non est idem, unde nec reliqua applicari queunt. Adeoque hoc genus minus quadrat, nec legitimum esse vel assignari potest; & ad

& ad farmentosa hæc sine dubio etiam ideo relatæ fuere, quod sint, & fusca & grisea ex parte, repentes, ex parte eleuatae altitudine dimidii pedis, vt describit *Pometus*.

Si ex foliis velimus characterem hinc dare, eximie approximantia ab eodem assignantur *parietaria*, vt albæ *pulegio* non admodum dissimilia a *Pisone* asseruntur; sed & hæc est insufficiens ratio. Notum iam satis est ex *Anazarbeo*, quantum abludant similitudines ab accurata dignotione, & remotius saltim, qualiscunque conuenientia fuerit assignata, certi sumus vel diuinando, vel conferendo. Pollet *parietaria* flore stamineo, non item *Ipecacuanha*, ne alia addamus, vnde frustra fuerit de eo cogitare.

Videri posset *Caa-apia* hujus locum sustinere, cuius *Piso* mentionem latius facit; verum enim vero non agnoscit idem ipse *Auctor* pro *Ipecacuanha* *Caa-apiam*, quam apertis & expressis verbis ab illa distinguit, tum in titulo, tum in textu, & seorsim iconem exhibet. Adde diuersum omnino, quoad flores & quoad radicem, imo & folia & reliqua, assignari eidem genus; *Ipecacuanham* albam vere talem vocans, seu describens, asserit *Caa-apiam* non nisi abusive quasi a quibusdam ita appellari.

Neque vero vel *pulegii* vel *acetosa* rotundifoliae memorata similitudo quid certi inferunt, cum nulla figura eiusdem expressa legatur, fatente *Pometo*; adeoque reuera hactenus alto silentio inuoluta fuit.

Liceat nobis ex re philosophari, vbi ex auctoribus non licet, & singulis sic forte lucem foenerari eximiam, si sequamur naturam, si debitas regulas & receptam assignandi certa genera methodum debitam.

Liceat porro illud proximum & genuinum genus, sub

quo militat Ipecacuanha, assignare, quod quoad potiora & pleraque, si non omnia, momenta symbolismi & convenientiæ obtinet, folia puta, flores, radices, ipsumque semen, seu fructum. Hoc itaque dato & concesso, nullum aptius, rectiusque & magis genuinum putauerimus inueniri posse, quam in genere bacciferarum, in specie dentariarum.

Et sic iam ad tertiam speciem vna regredimur, Ipecacuanham albam, seu Brasiliensem illam, nondum ullibi, quod sciamus, depictam, seu Germanicam.

Vno verbo asigare non dubitamus, Ipecacuanham referri ad *dentarias* debere, tanquam ad genus symbolicum, conforme, genuinum & appropriatum, quo cum si non vt ouum ouo, tamen aliis omnibus contra, conuenit eadem. Id vero ad sensum patebit, si reuocemus in memoriam & fidem huius rei, ipsa subsumenda symbolismi membra.

A *radice*, tanquam potiori, exorsis, nam hæc vna sola est exoptata & officinalis iam statuenda suo merito, & auctoritas seu consensus, & sensus ipse idem testatur. Ipecacuanhæ fuscæ, seu subnigricantis, *noirâtre*, radix, verbis *Pometi*, est *plus ridée & comme dentée*, magis rugosa, nodosa & velut dentata. Dentariæ ab ipsamet hac figura quasi mechanica nomen obtinuerunt.

Radix ergo vtriusque si non ad tuberosas strictius sumptas, tamen tuberoso-fibrosas referri meretur. Siquidem tubera notant inæqualitatem, eminentias, monticulos quosdam, adeoque videntur ultra rotundas, vel quasi, (neque enim omnia tubera sunt rotunda,) & bulbosis affines, de quibus integrum scripsit librum *P. Laurembergius*, etiam tuber-

tuberculosa statuenda, loquendo saltem conuenienter naturæ, & quidem in longitudine tales.

Variant vtrobique *folia* numero, figura vero non adeo dissident. *Folia* Ipecacuanhæ licet, si iconibus credimus, minus videantur in lateribus crenata, non tamen adeo abscedunt, quin etiam in illis manifesta quædam similitudo spectanda sit, seu numerum reputes, quinque enim, septem, nouem folia occurrunt, ad latus etiam caulibus nouis se exferentibus.

Nec flores, primarium gratissimumque plantarum decus, abludunt, siquidem, verbis *Morisonii*, ex medio radicis emergit caulis sustinens quaternos, quinos, flores tetrapetalos, leucos aut hesperidis florum æmulos. Et hæc quasi clavis est, quare apud *Pometum* icon Ipecacuanhæ exhibet flores tetrapetalos, *Pisonis* & *Marcgrauii* pentapetalos, vtrumque enim occurrere nil impedit.

Instar omnium sunt *bacca*, quæ iuncta radice omne absoluunt punctum in definiendo genere hoc & caractere. Si enim velut *fructus* hos spectemus, Ipecacuanha completo florescendi tempore in baccas brunneas, siue saturate lacæ coloris, vel, secundum *Pisonem*, prope nigras, cerasi sylvestris magnitudine desinit. His deinde maturitatem adeptis ex fuscitudine sua suauiter rubentibus, & ruptis pulpa iungitur succulenta cum duobus suis ad luteum vergentibus seminis granulis.

Hinc accurate admodum Ipecacuanhæ respondet in primis *Dentaria baccifera Clusii*, heptaphyllos sobolifera *Morisonio*, baccifera heptaphyllos C.B. coralloides *Cordo dicta*. Præter semen enim ad singulorum fere foliorum, quæ caulem ambiunt, alas & exortum, tubercula quædam adnascun-

tur bulbulis lilii cruenti illius, quod martagon bulbiferum vulgo appellatur, haud absimilia, ac velut e squamis compacta, initio viridia, deinde rubra, ingrati admodum gustus, quæ facillime decutiuntur & præmature sponte decidunt, terraque sepulta nouellas plantas gignunt, quæ Clusii verba & Morison sua facit *Plant. Histor. Vniuers.* p. 2. S. 3. c. 10. quo filiquosæ tetrapetalæ bicapsulares tractantur, p. 255. Florere solet Aprili, bulbuli nigricantes Maio conspici solent, alarum cauis inter folia & caulem inhærentes.

Tacemus *semina* seorsim, quorum, præter baccas illas laudatas, nulla apud scriptores Ipecacuanhæ fit mentio, apud *Clusium* vero & *Morisonum* dentariæ vberior legi potest descriptio, vnde conferre hæc minus adhuc perfecte omnia licet; nec opus est inde arcessere, ibidem legenda latius.

Restat vt de *viribus* symbolicis quoque quidquam addamus. Enimuero, quæ genere & charactere conueniunt, ut plurimum vel saltim admodum verosimiliter etiam in viribus sortita visuntur quandam paritatem. Quamuis vero nondum licuerit frequentiora experimenta hac cum Germanica quoque specie facere; satis tamen fuerit in-præsentiarum:

(1.) Illam esse innoxiam, & neutiquam aconitis accensendam, uti quidem *Cordus*, *Casalpinus* & *Lugdunenses* contendunt; (2.) Sapore etiam ex acri-amaricante conuenire cum Ipecacuanha; (3.) ipsis tamen primis aucto-ribus testibus longe benigniorem esse Ipecacuanham albam, adeoque & hanc nostram: ita quidem, vt & grauidis & infantibus tuto propinari queat. (4.) Data enim ad ʒss. semel iterumque non mouit quidem vomitum, vt *Brasiliensis* illa, nec aluum æque laxauit, optime tamen in-
de

de habuere ægri, in posterum largiori dosi in vsum vocanda, ad experimenta salubria, vel saltem innoxia. In quodam ad gr. xii. datus puluillus altero die laxauit bis aluum, in aliis ad ℥i. datus minus idem operatus, ad 3℔. 3i. datum præbium supplebit forte in posterum pleniorē vsus ἐξοχήν.

Confirmat vero (5.) hunc vsum quoque relatio fida *Clusii*: Austriæ, inquit, vicinarum regionum incolæ weiß Sanicel / id est, Saniculam albam, rhizotomæ autem mulierculæ, quæ multas stirpes in Viennensi foro venales proponere solent, *Grimmshurg* / a facultatibus, quibus eam pollere putant, vocant, quod eius radicis decoctum pueris tormina patientibus propinatum vtile esse credant, vnde nomen ab illis plantæ inditum.

Quis vero nescit apud medicos, vel *Celso* teste, tormina notare κατ' ἐξοχήν dysenteriam, vnde & sorbus torminalis, & tormentilla (quam nomine Ipecacuanhæ quidam substituere non inutiliter quidem, sed diuerso operandi modo,) denominationem indepta sunt. Vnde ab vsu anti-dysenterico sine dubio dicta est, vel dici potest & hæc radix antidysenterica. Sed de his omnibus dabitur vltior occasio experimenta faciendi, tum laxandi benigne gratia, tum torminum sedandorum, eodem alioque modo.

Hinc vero merito suo hæc ipsa Ipecacuanha Germanica celebranda & commendanda practicis venit, minimum problematicæ. Non enim, auctoritate *Coi* in præcept. c. 2. t. 24. graueris etiam τῷ ἰδιωτέων ἰσχυρέειν, ἢ ντὶ δυνάμει ἐπιφύκειν ἐκ τῆς κατὰ τὴν ἰατρικὴν, ab idiotis inquirere, si quid conferre visum fuerit ad curationis occasionem. Siquidem & illi, quod turpe dictu est, si non inquireunt, saltem aliis do-


etioribus norunt aliquando rectius herbas. Nobis per dicta satis sit, hactenus prædicata de dentaria baccifera, εἰς ταῦτα συναυλιῶναι, & in eadem consonantem convenire.

Hæc vero & apud nos, & alibi, in sylvis montanis provenit, & in hortos & vasa fistilia se patitur transferri, uti vere hoc iam se quinque foliis initialibus, hinc septem, conspicuam dedit, penitus quoque porro lustranda & observanda.

Tacemus, quod ex D. *Sherard* refert *Raius* l. c. *Tom. III. Hist. Plant. l. 12. p. 350.* Quartam etiam ipsi concessam fuisse speciem *Ipecacoanhæ* a Clariss. *Tournefortio*, e Portugallia delatam, quæ coloris est flavescentis, non geniculata, quæ species vomitum non movet, sed per sedem solummodo purgat. De incognitis enim & occultis nec in medicis scholis datur iudicium, nisi dicamus in genere, similitum eandem esse rationem, & in his quoque simile, etiam non raro esse in viribus dissimile.

CAPVT III.

De Ipecacuanhæ qualitatibus & viribus.

 Vando temperiem mixtorum, & hoc loco *Ipecacu-*
anhæ, examinandam aggredimur, duo sine dubio
sunt attendenda ac intelligenda, primo ipsa stru-
ctura, mechanica, particulæ, seu principia mixti, ex qui-
bus certa proportione inter se commensuratis constet;
deinde ipsa qualitas inde resultans, respectu corporis hu-
mani, cuius usus impendendum fuerit medicamentum,
tanquam alterans utile.

Quod

Quod si hinc mediâ cognoscendi impendamus & applicemus, potissimo argumento desumpto ex sapore acrimaro-terreo, non difficulter a priori quoque elucet, esse radicem hanc mirabilem calidam & siccam, idque secundo gradu, mansione prima. Vix dubitandum est, recentem radicem, more aliarum similium, esse magis acrem, quod & auctores notati scribunt; si tamen qualem inueniamus, talem iudicemus, non aliter possumus definire effatum.

Confirmant idem hoc disponentes particulæ salino-sulphureæ acido volatili, in subdominio licet, combinatæ, unde color in-essentia visendus, lenis resinofitas, odor vero nullus quasi offertur sensibus, cum terreis reliquis, ipsisque aqueis concretis.

In *qualitatibus secundis* ob tenuitatem actiuarum particularum primario vis attenuandi, incidendi, aperiendi, resoluendi, resultat; adæquate vero & secundo roborandi, & tonica virtus; quæ omnia effectû sigillantur & confirmantur conformi.

In *tertiis* vis *χυτική*, *fusoria*, *diuretica*, & suo modo *diaphoretica* communis & remotior, speciatim vero ab effectû comprobata, imo a posteriori sic magis cognita, velus specifica & singularis *καθαρτική*, *purgans* emicat, & *κατ' ἐξοχήν emetica*, seu *vomitória*, præcellit. Neque hæc ipsa contradictionem quandam inferunt, purgans esse & roborans, emeticum & diureticum vel diaphoreticum, si cogitemus diuerso respectu, diuerso præparandi & recipiendi modo & ratione, hæc contingere etiam in aliis. Quis negat in rhabarbaro, ob diuersitatem miscibilium particularum, idem visi, laxare id *κᾶτω*, & adstrictionem post se relinquere? Ne dicamus id, per accidens licet, edu-

sta humiditate, fieri etiam ab aliis minus tonicis. Quis ignorat antimoniatis singula illa adscribi, licet eminentiori gradu?

Ast, cum propter quod vnumquodque est tale, illud magis sit tale, (liceat illum canonem alio paulo sensu huc referre,) cum emetica virtute vnice & potissimum, & hinc singulariter & seorsim *antidysenterica* excellat, deprædicetur & expetatur in vsum Ipecacuanha, merito de ratione agendi hac & viribus ipsis sese exerentibus seorsim agendum venit.

In omnibus emeticis esse aliquam *acrimoniam irritatiuam*, iam dudum agnouit *Pergamenus*, etiamsi non æque ori explicitam & manifestam, sed occultam sensibus & latentem quoque ab extra. Hæc sola vero non rem exhauserit, quam plurima enim acria, imo & maiori longe gradu talia, non sunt emetica.

Consultum hinc fuerit, hanc acrimoniam exponere porro *fermentatiuam*, quæ motum intestinum cieat & fœneretur humoribus, lymphæ & acido ventriculi, & cum primis ipsi hinc bili quoque consecutiue, coniunctæ cum stimulo archei motum exuscitante. Illam vero porro nominare ex sensu & experimentis chimico-mechanicis fas est *salino-sulphuream*, quæ & motum intestinum inferat humoribus laudatis, a quibus & resoluitur & actuatur sic illud principium, vt motum localem fibræ nerueis motricibus delicatis ventriculi cieat.

Addendum vero quoque, acrimoniam hanc salino-sulphuream fermentatiuam esse, respectu & relatione ad purgantia *καλωσενά*, seu quæ per aluum euacuant, *ὀπιλάτα*, *volatilem magis*, vt in his fixior deprehenditur, in mediis
media.

media. Siue iam hæc domestica sit volatilitas, & connata quasi, siue acquisita, a diuersitate lymphæ, acidi, bilis in corpore. Et hæc ratio est, quare & per se purgantia, non emetica, tamen non tam *κατω* per aluum, quam *ἄνω* per os superius operentur, & vice versa.

Quicquid horum sit, fatendum tamen est, aut materialis huius mechanicæ talem tantamque esse subtilitatem, vt etiam per analysin, per intellectus apicem, non minus ac per ignem ipsum, a priori id impellens, illa forma lateat, nec agnosci, vel erui possit, nisi valde admodum remote; aut principium potius internum ponendum, formam vocant, formam substantialem, vel ideam formalem, formamue idealem, vtcunque nominaueris, quæ dictis illis particulis specificè præest, eaque taliter combinata & proportionata, noscenda nihilominus & scrutanda, dirigit, vt sic agant, nisi quid obstiterit.

Illam vero volatilitas non vno sale volatili vrinoso absoluitur, quale quidem in asaro & quibusdam aliis videtur apparere, vbi aromaticum quid redolet, sed impurum tamen & in effectû nauseabundum; sed acido quoque, quale in vitriolo, imo & subtilius concretum in antimoniatis visitur & statuendum vel ponendum. Sane in Ipecacuanha tale quid vrinosum per *ἐγχείρησιν* chemicam non elicitur, vnde & acrimonia & effectus eiusdem longe minutoribus seu punctis, seu atomis, metienda fuerit.

Hoc tamen singulare habet eadem, quod & delicatior longe sit, ac naturæ corporis minus aduersa, quam alia vlla in sapore æque ac effectû, & immersa intimius particulis terreis, vnde emergit quidem stimulus, sed benignior.

D 2 Sed

Sed tantum abest, ut robor toni infringat, ut potius idem confirmet fibris, & asserat.

Ratum itaque hoc est, Ipecacuanham esse emeticum (1.) *mite, blandum & benignum*, quod citra maiorem violentiam officium facit, ventriculo illatum, nec eidem, nec corpori reliquo struit insidias, vel exagitando fortius, vel mouendo, non promouendo, modo non excedatur dosi; mite in assumendo, mite in operando. Minimum nullum est vegetabile, quod cum hac contendere nouerit.

Est (2.) emeticum *classicum*, omni iure, omni merito, & experimentis quamplurimis comprobatum, aliis primo loco iungendum, adeoque communi consensu pro officinali, (ita vero vocant illam dignitatem consecuta,) habendum, proclamandum, reponendum & applicandum, seu in usum vocandum.

Est (3.) emeticum *cito, tuto & iucunde operans*, adeoque gratum & acceptum. Si vllibi, sane in vomitoriis illa requisita sunt cordi habenda, ut sint actiua quidem, ut sint iucunda, sed maxime omnium ut tuta, quibus fidere possis in operatione, & in effectu eiusdem. Gratum hinc merito, quod & infantibus porrigi potest, & alias delicatis, longe maxime vero usu salutari.

Est (4.) emeticum *roborans*. Plurimum & in alterantibus, aperientibus praesertim, positum est roboris & dignitatis, si simul sint tonica, leni stypticitate se hinc vna commendantia, qualia sunt amara, martialia, aliaque etiam expurgantibus tacta. Id vero eximium pondus addit reliquis praedicatis, quod communem cum aliis possideat operandi efficaciam, singularem vero in roborando. Non atterit vires, non accersit tormina, vel lipothymias.

Est

Est denique (5.) emeticum *præcipuum & polychrestum*. Efficitur hoc ex assertis antecedentibus, iudicatum ex generosis effectibus omnibusque & singulis aliis, ut si electio detur ex lenioribus, ipsisque mediis, medio vero tutissimus ibis, præcipuum, si non primum locum sibi vendicet, idque citra ullam hyperbolen. Polychrestum est & communi titulo, qualem tuentur ex vniuersalibus vomitoria, in genere; quis enim hoc negauerit in morbis gravissimis, rebellibus, variis aliis, tanquam indicata, colophonis vicem gerentia, generosa & heroica, satisfaciencia indicationibus concinne erutis ab artifice morborum?

Est itaque emeticum laudatis notis conspicuum, sic tamen, ut ordinarie hinc per τὰ ἄνω operetur, extraordinarie vero, vel quasi, ob symbolismum euacuationis huius infimi ventris, etiam aliquando vel solum καὶ τὸ purget, vel simul per utramque viam, quod cum aliis vomitoriis habet commune. Possidet vero & comitatas vires alias, de quibus itidem quædam sunt addenda.

Sic ob virtutem assignatam, qua celebratur, concessam illam, nemo facile negauerit minores eandem exere posse dotes, quæ velut substant purgantibus χυτικῶς. Non immerito hinc tribuuntur etiam vires *abstersivæ*, σμικτικῆς, *saponaria*, *aperientes & resolventes*, extricantes lentum & viscidum ventriculi & intestinorum gluten, defecantes amurcam tartaream, hypochondriacam, referandi menses restitantes, & quæ aliæ ex hoc fonte fluunt. Ast omnes illæ sub generali ac præcipuo illo vomendi argumento comprehendendi possunt, tanquam secundaria, ut utiles tamen apprime ac selectæ & expetendæ.

Quod vero concernit *bezoardicas* atque alexipharma-

cas vires , vix aliæ illæ videntur adhuc dum probari posse , quam eodem communi censu ac nomine , siue excutienda ocys venenosa assumta , vegetabilia vaporosa , viscida , spirituum turbatiua , animalia fermentatiua humorum ac succorum vitalium , & mineralia , ipsaque præcipue arsenicalia , partium solidarum hostica damna , suis e loculis huc referenda ; siue alius malignitatum formes & minera , bilis ac lymphæ , harumque cacochymia exturbanda fuerit.

His in genere præmissis consultum erit in specie quoque visere affectus , quibus curandis , certis ac genuinis experimentis , probati usus fuit deprehensa , utilis , ac nobilitata. Instar omnium & primitus quasi Brasiliensium , vel Americanorum , latius usu innotuit Europæis , tanquam singulare & specificum *antidysentericum* , a prima inuentione celebrata Ipecacuanha. Vnde operæ pretium fuerit confirmare id ipsum , non tantum auctoritate tot populorum , medicorum , & aliorum , qui per mutua commercia , huius etiam medicamenti accessione , adauxere medicam supellectilem ; sed etiam ratione , & experientia , hisque positis tanquam directrice methodo medendi , seu legitimo usu.

Non absolum est dysentericæ curandæ impendere vomitoria. Sane ob stare videtur , ut illud huc applicemus , quod tale additum tali reddat illud magis tale , & sic videri possint potius stimulo suo noxia , adeoque & Ipecacuanha minus pro arcano dysenterico habenda. Confirmari id potest præcepto *Coi l. de locis in hom. c. 45. vbi* , cum ageret de hypercatharsi , inter alia addit *t. 3. Φάρακρον* *δὲ μὴτ' ἰνθρακῶν , μὴτ' ἐμετήγιον* , *medicamentum autem neque euacuans ,*

euacuans, neque vomitorium sumat. Quid vero est dysenteria, nisi hypecatharsis quædam spontanea?

Ast his aliisque non obstantibus est suus vomitoriis locus in dysenteria. Notanter hanc in rem idem *diuinus senex lib. 1. de morb. c. 6. t. 19. Διαρροῖν, inquit, ἐχομένην ἰχμεῖν ὁ ἐμετός γινόμενος ἀγαθόν. Diarrhœa forti correpto vomitus fens bonum. Quid vero est dysenteria, nisi diarrhœa fortis? Quæ generi conueniunt, eadem, & speciei. Natura imitanda est & in hoc commode, sed prudenter.*

Sique longas diarrhœas vomitus ἀπὸ ταυτομάτης ἐπιγινόμενος, sponte superueniens 6. aphor. 15. soluit, cur non graui eidem, a repletionem oriundæ, profuerit? Non tamen empirice in his procedendum est, sed iuxta genus curandi Palladium, medendi methodum.

Hinc in dysenteria seorsim, vt alias quoque, opus est distinctione. Quandocumque prægressi sunt errores diarræ, vt maxime in castris, & vbi præsumptio hæc præsto est, commode sæpe datur emeticum. In vsum hinc tracta fuere etiam alia communia, ipseque tartarus emeticus aliquando, non sine successu.

Quando ergo adest repletio, seu saburra cacoehymica in primis viis hæret & coniuncta est, eaque οὐρεσώδης, adeo vt exitum affectet, etiam sursum, imo etiam non raro ab adstringentibus fiat anxietas & reiectio per vomitum, emeticis locus est, quale exemplum & *Dec. II. An. II. Eph. German. obs. 168.* notatum videri potest.

Quando item vires consentiunt, naturæ adest, vel saltem non prohibet atque abnuat, inclinatio, morbus est in principio, non solum concedi possunt emetica, sed

sed etiam sæpenumero indicantur. Leguntur quidem exempla quoque, vbi producto morbo data Ipecacuanha profuit, respectiue vero magis conducit in principio.

Distinguenda sunt ipsa vomitoria inter se. Moderata & adstrictionem post se relinquentia, aliis sine dubio in dysenteria præferenda. Neque enim asarina, vel vitriolata acriora, æque locum habent, vel ipsa antimoniata promiscue, quibus omnino cautius ibi est vtendum. Adeoque reliquis omnibus in talibus casibus præferenda est radix Ipecacuanhæ, assignatis suis titulis examussim satisfaciens.

Inde enim saburra illa, biliosa, acido-acri, seu materia abundante educta, morbus hinc facilius abigitur & perdomatur, quam ceteroqui, si absque hoc foret, vix generosa alia emendauerint, nedum adstringentia. Adeo & quantitas & qualitas humoris peccantis attendenda ac corrigenda, vt motus eiusdem cicuretur & ad moderamen redeat.

Ceterum malignitate & acrimonia minori tutius dantur emetica etiam in dysenteria. Maiori vero eadem ac prædominante, vel omittenda penitus, vel cautius longe propinanda. Visus enim fuit, verbi gratia, & vomitus cruentus symptomaticus in dysenteria, vbi absurdum id fuerit suadere.

Cumque obseruatum sit, etiam a purgante repetito, remota & euacuata iam abundante cacochymia, non amplius purgatum corpus, sed substitisse medicamenti operationem, inde forte factum fuit, quod & Ipecacuanha iterata vice propinata fuerit. Et legentibus elogia illa videri posset vna sola sufficere. Ast cum indicata non debeant ultra indicationis sphaeram prouehi, ipsa vero Ipecacuanha pri-

primario euacuandi fine propinetur, secundo pro roborandi scopo & adstringendi, non sunt hæ indicationes inter se confundendæ.

Addendum itaque instar regulæ videtur: non promiscue in dysenteria, nec continue & sola danda est Ipecacuanha. Satis est gloriæ, quod ad curationem morbi longe grauissimi insigne foeneratur momentum ac fundamentum. *Ὁ γὰρ ἐπεὶ τὸν ἐνδυμὸν παύει.* Vomitus enim euacuationem sedat, verbis *Cou* Adcoque ratum est, vt *l. de insomn.* loquitur c. 12. t. 13. etiam *ἐπεὶ τὸν ἀντιόπυστον*, vomitibus reuellendum esse, & reuelli posse malum in dysenteria, quod tam strenue præstat Ipecacuanha, vltimatissimum illud remedium, causam fouentem reuulsionem per vomitum tollendo.

At si quis plus ultra extendere sustineat vires eiusdem, & reliqua omnia insuper habere, plus quam empirice a via regia methodi medendi aberrauerit. Ipse *Cous* hæc quasi præuidens *l. c. de locis in hom.* addit: *ἢν δὲ ἀδυνάμει ὁ πάθος παύων, ὁ τὸν Φάρμακον ἐμετηρίου δίδεναι.* Sin debilis fuerit, qui hæc patitur, a vomitu somniferum medicamentum dato; claris verbis innuens, esse etiam anodynorum & opiatorum suum usum, neque datum emeticum omne absolueræque punctum.

Quid? quod ipsi Brasilienses barbari, si quidem hoc casu ita dicendi, sapienter ita statuunt, hac enim necessitate ita exigente, loquimur cum *Pisone l. 2. hist. nat. c. 12. p. 40.* venam tundere haud consultum habent. Porro vel solo rheo vel laxatiuo quouis benignissimo mordacem humorem prouocasse, partisque affectæ cruciatus ingeminasse, suspitione plenum habetur. Si quando tamen euacuationi locus, radicem vomitiuam Ipecacuanhæ, exquisitissimum

simum naturæ munus, ceteris remediis præferre conducit: quamuis ingenue fatear, plurimos medicastro incolas *ad sudorifera & cordialia*, quam ad euacuantia per aluum, benigniora licet, inclinare. Haftenus ille, ubi & plura habentur.

Conferri meretur *Bontius*, qui *l. 2. meth. med. c. 3.* latius de dysenteria, horribili illo & consuetissimo Indiis malo, agit, ubi, præter alia huc facientia, ad extractum croci indici, id est, Curcumæ, (seu laudanum opiatum, quod *cap. 4.* describit,) tanquam ad sacram anchoram, ut vocat *l. 4. c. 4.*, confugit, quo remedio nullum humana cura exquisitius excogitare potuerit, verissimum huius morbi, sæpe etiam venenati, antidoton. Nimirum non vna seruandæ naui periclitanti in mari sufficit anchora, sed pluribus opus est.

Cum itaque ad dysenteriam primario fuerit commendata Ipecacuanha, idem, vna fidelia quasi duos dealbando parietes, intelligi poterit de alui fluxibus aliis, ubi quidem fluxus fluxu curari amat. Hinc de diarrhœa, lienteria, cœliaca, fluxu hepatico, idem dictum esto, mutatis mutandis, præsentimateriali obiecto, quo exturbato felicius & facilius cura reliqua absolui potest. Instar omnium vero est dysenteria.

Observatum superiori æstate in praxi in quamplurimis fuit, facilius & felicius curatos hinc euasisse, quibus Ipecacuanha fuit propinata. Ut aliquot saltim exempla addamus: Fœmina triginta annorum, tenerior, cum dysenterix initium, tormina & tenesimum pateretur, ad 3ß adhibita Ipecacuanha, ter cum *εὐφορία* vomuit, curata hinc reliquo materiæ medicæ congruæ apparatu.

Puer

Puer duorum cum semisse annorum, post, quam sub initium morbi sex sedes expertus esset, tres simplices, tres cruentas, cum torminibus, a dato Ipecacuanhæ ad grana quinque puluillo indormit, hinc bis vomuit, & remifere sedes, theriacalibus aliisque hinc plenarie restitutus.

Viro triginta duorum annorum, itidem iam mali initium experto, data eadem ita restrinxit idem, vt remitterent sedes, nec in neruum erumperet dysenteria, (quæ nempe tunc temporis grassabatur, vnde experimenta sufficientia fieri potuere,) sed facile cederet.

Iuuenis 23. annorum, cum eodem tempore per biduum alui fluxu correptus esset, ab Ipecacuanhæ vnus vsu nauseauit quidem, non vomuit, sed loco eius fortior sedes secuta vna vel altera, & postmodum substitit, subiuncto specifico theriacali, statim penitus morbus. In aliis semel saltem, in aliis bis ter moti vomitus, cum successu.

Alius iuuenis 28. annorum, cum torminibus & alui fluxu turbaretur, data Ipecacuanha, nauseauit, non vomuit vero, sed sudorem inde blandum obtinuit, cum leuamine insigni, & paucis diebus conualuit. Vir XLIII. annorum dysentericus eadem præmissa breui liberatus est, id quod & aliis obtigit, pauci vero admodum, quibus hoc remedium porrectum fuit, nec negligentiores fuere, obiere.

Idem in foemina 46. annorum, in iuvene 16. alio 18. annos nato, & multis aliis vere dysentericis, non sine notabili successu, compertum fuit, vt de illo nulum amplius apud nos sit dubium, non minus ac alios, qui idem deprehenderunt vsu celebratum eoque frequen-

tiori. Vnicum eo nomine laudamus celeberrimum D. *Gothofr. Heldium*, Consiliarium & Archiatrum Baruthinum, qui, præter alios casus, vel trecentis militibus in castris cum successu eam dedit, subiungendo hinc theriacalia & bezoardica.

Memorari hic potest, rariorem quidem esse dysenteriam vernalem, rubram & albam, visum tamen fuit & in hac profuisse radicem antidyentericam. Fœmina 30. annorum Mense Aprili hac laborans iam per aliquot dies, sumpto ʒss. puluilli semel, sed fortius, vomuit, inde leuata apprime, feliciter operantibus mox aliis congruis curata.

Non possumus non hoc loco & illud attingere, saltem illustrationis & obiecti materialis ergo, pro memoria etiam & symbolismo confirmando, quod *Ipecacuanha Brasiliensis* inprimis, quam maxime in experimentum duximus, signaturam quandam annulis suis, ipsaque sua tortuositate illa, referat & obtineat intestini cellulosi.

Hinc vero non tam analogismo aliquo, quam communi ratiocinandi & experimentandi usu, facile patentissima virtus & effectus emicat *Ipecacuanhæ* in morbis quamplurimis aliis, & tantum non omnibus, ubi indicationes vomendi præsto sunt. Idque tanto magis, quanto benignius, tutum & innoxium magis, est emeticum, & sigillat relicto toni robore viscera, quæ in motum citat.

Constat, non tantum in Belgio celebrari hunc *Ipecacuanhæ* usum, in curatione febrium seu interpolatarum, seu continuarum earumque malignarum. Non suffuratur, ut id repetamus, vires, vel depauperat, sed conseruat & liberat, vnaque sic mineram depurgat, ne peius aliquid inconueniens timendum sit. Iuuenis 24 annorum

a potu

a potu vini Hispanici calore præternaturali, dolore præcordiorum, capitis & dorsi, cum siti correptus, exhibita dosi Ipecacuanhæ mox leuatus optime habebat.

Quantum hinc in affectibus capitis possit, in vertigine, epilepsia, melancholia, apoplexia primi & secundi gradus, affectibus soporosis, & similibus, vix opus est, nisi communi applausu aliorum emeticorum confirmare. Nuper admodum vir 30. annorum, cum ex epilepsia in maniacum furorem incidisset, ab Ipecacuanhæ ʒi. ter vomuit serosa & viridia, subsequo nocte illa somno hætenus deficiente; hinc intra quatuordecim dies, subiunctis aliis restitutus.

Cumque tam benigne agat, in quibusdam etiam pectoris affectibus non fuerit incongrua; pulmonibus non exulceratis. Quidam literatus, cum tempore hyemali largius se inuitasset vino, indeque pleuriticus status immineret, cum febris valida, tussi sicca, dolore thoracis & circa præcordia, assumpta Ipecacuanha bis vomuit, & sex, septem sedes habuit, eo cum effectu, ut thorax in respirando minus doleret, tussis expeditius fluere, cum expectoratione debita, ut cum sanitate brevi rediret in gratiam.

At in morbis præcordialibus, a ventriculi repletionem oriundis, nullo contra indicante notabili præsentem, omne absoluit punctum eadem, ἀπὸ τῆς κοινῆς, seu communi iuuandi præsidio. Vnicum etiam hic nobis suffecerit exemplum.

Fœmina quædam 40. annorum comederat sub cœna pedes bubulos coctos, mane altero nauseat, caligant oculi, instat ἐκλυσις. Data Ipecacuanha reuomit bina vice ingesta, & serosa, cum præsentanea liberatione.

Quidam reuerendus Senex, sexagenario maior, anxietate præcordiali vaga laborans, cum grauatiuo dolore, ad humeros, dorsum, pectus protenso, maxime a meridie & circa lecti ingressum, cum lassitudine, metu catarrhi suffocatiui, frustra adhibitis aliis, optime habuit ab Ipecacuanhæ usu, subiunctis roborantibus, carminatiuis, neruinis, prius parum vel nihil iuantibus, quam hoc vniuersali remedio velut colophone addito.

Cumque non tam opus sit nostrum vel intentio, de vomitoriorum agere vsibus, quam inter illa sessionem & votum, vt ita loqui liceat, scenerari Ipecacuanhæ, non attinet hisce immorari longius. Suffecerit enim ostendisse, & certis probatissimis testimoniis id stabilire, prodesse illam non modo in dysenteria, sed & omni officio & fide in aliis longe lateque se exserentibus indicantibus, additis encomiis debitis.

Vnum saltem vsum & in arthritide coronidis loco addemus. Fœmina quædam quinquagenaria arthriticis insultibus bis ter impeti solita, grauibus illis & non facile cedentibus, cum, mense Ianuario ad finem properante, eorundem repeterent vestigia, cum aliquali nausea, a datis granis XII. Ipecacuanhæ sexies vomebat, citra comitatas sedes, cum insigni *εὐφορία*. Inde vero leuicule saltem dolores sese exserebant, breuiusque, vt ipsa, comparatione ad priorem statum, per ἀνάμνησιν facta, huius medicamenti virtuti, post Deum O. M. acceptam referret sanitatem exoptatam.

Neque in mensibus, vt promouendis, diuerso respectu, ita & remorandis immodicis est inutilis, quo posteriori nomine, in mensium puta fluxu immodico, commen-

dat

DE IPECACUANHA AMERICANA ET GERMANICA. 39
dat eandem Excell. D. Iobrenius, qui radicem Ipeucanhæ
vocat, *dissert. de morbis biblicis* p. 6.

CAPVT IV.

De usu & præparationibus Ipecacuanhæ.



Iribus exploratis, vt vsus, seu vtendi modus & *εὑχέλ-
ηνος* pateat, reliquum est, quædam adhuc addere.
Spectat huc præparatio tum simplex, tum chimica, ipsaque
compositio, & circa adhibitionem hinc notanda.

Enimvero sunt quædam statim sua medicamenta, quæ,
subtilius vt præparentur, vix opus habent; melioris ta-
men notionis ergo & illam subire merentur operam. Sa-
ne Ipecacuanhæ adhibitio simplex, ob benignitatem vt
plurimum sufficit, danda v. gr. in substantia, vt vocant
medicorum filii, seu in puluere velut farinaceo, delica-
to, vel saltem non ingrato, & assumptu facili.

Quod si hinc per se propinare placeat, optimum id
fuerit, cum nulla æque adsit qualitas correctione indigens,
nisi acuere illam placeat additione vel emeticorum alio-
rum, vel appropriatorum, quod liberum relictum est
dexteritati medici. Vt hinc satisfiat indicationibus co-
mitatis, facile est v. gr. in affectibus ventriculi & præcor-
diorum addere olei *Œti* guttam vnam vel alteram anisi,
citri veri, in affectis neruis cinnabarina, ʒ *Œii*, in hyste-
rica passione fec. bryoniæ, bez. iouiale, & sic porro.

Satis est hinc asseruare radicem in puluerem reda-
ctam,

ctam, in vsum extemporaneum, miscendum varie & impendendum, per se & cum aliis. Et optimum quidem fuerit partem præcipuam extimam, a media lignosa substantia, magis cohærente, separatam, in pulverem redigere; sin rudius id præstetur, nec illud adeo erit sollicitè opus, vel frustraneum.

Vt præbium delibemus, observatum fuit, apud nos a ℥℥. gr. xii. granis xv. ad ℥i. & 3℥. tuto dari posse, radicem pulverisatam in substantia, pro diuersitate subiectorum. Nec infantibus ipsis ad gr. i. vel ii. seu pro expurgando meconio, seu infarctu serosæ mucilaginis, vnde motus conuulsiui, tormina, aliaque symptomata exoriuntur, educendo, inutiliter propinatur.

Apud alios populos ad ℥ii. 3i. scribitur propinata, dosis, forte quod ob climatis calorem & siccitatem maior etiam stimulus requiratur. Præstat tamen inprimis in hisce talibus subsistere infra summam dosin; medio tutissimus ibis, distinguendo inter subiecta, iuxta generalem regulam euacuantium, temperamenta item communia & specialia partium, ætatem, ipsosque morbos, quod hinc medicus peritus facile imitari pro re nata potest.

Quando vero cum aliis maritatur, vti optime loco iuuantis & stimuli additur & miscetur purgantibus, facile patet, non nisi refracta & minori dosi iungi debere. Cum emeticis vero aliis, tartato emetico, sale vitrioli, radice afari, & aliis modo maiori, modo æquali, modo minori proportionè recipi potest, vt subtripla, subdupla & sic porro.

In decocto vel infuso si adhibere placeat, nec illud erit

erit de nihilo, extracta sic solum parte subtiliori, relicta grossiori, tenera magis. Valet vero hic (1.) regula communis quoque & applicari potest, quæ in substantia dantur in simplo, in decoctis vel infusis in duplo recipienda; quod apud nos præsertim nondum ita copiose prostat, pretiosius extat. Liberum tamen idem est manetque, decoquendi cum aqua, infundendi cum vino & aliis.

Interim vero (2.) cum, præter vomitoriam virtutem, non parum æstimanda sit roborans & adstringens, illa vero magis in terrea resideat substantia, consultius videtur forma pulueris sicca eligenda, quam liquida; cum priori illud terreum videatur resorberi, & obtundi potius, quam sese exferere.

Neque tamen commode adeo, (vbi fluxus reuellendus est,) siue in decocto, siue in infuso adhibeatur, adstringentia iungere licuerit; sunt enim distincta illa vtraque. Saltim illa primario, hæc secundario præbio & usu debent ita apparari, ne alterum alterum præpediat. Ita præstat Ipecacuanham præmittere, hinc theriacam, vel ex eadem confectum aliud subiungere, quam miscere vtraque. Idem & in vehiculis tenendum est, aqua enim menthæ, vel cinamomi cydoniata commodum est antidyssentericum, roborans & stomachicum, minus vero quadrans euacuandi & reuellendi intentioni. In mastiche & reliquis cum aliqua latitudine id fuerit magis concessum.

Cumque aqueo sic pareat quoque menstruo, claret, non pure esse resinosa substantiam illam, sed particulis aliis distemperatam, seu gummi-resinosam, vnde accedente caloris extranei impulsu fit extractio quædam. Ast

F. longe

longe elegantior habetur eadem, adeoque ESSENTIA, si lege artis adaptetur.

R. rad. Ipecacuanhæ puluerisatæ ℥iij. iiij. pro lubitu, affundatur spiritus vini rectificatus ad eminentiam aliquot digitorum, seu proportionem sextupla vel octupla, stent in digestionem ad sufficientem tincturam, ex rutilo flavescentem. Virtute pollet itidem emetica, sed paulo diffusa, ad gtt. xx. xxx. danda, si ita libuerit.

Sin largiori inprimis pondere illa extractio fuerit parata, licebit etiam obtinere EXTRACTVM, bolari vel pilulari forma, dandum ad gr. i. ii. iij. & amplius. Idem vero & cum menstruo aqueo parauimus, compendiosius, lege artis decoquendo, colando vel decantando, & euaporando ad iustam consistentiam. Tacemus variationes quamplurimas alias in puluere, varii coloris, & saporis, in bolo, facile quacunque conserua addita formando; quæ omnia ex legibus combinationis & proportionis medicæ, quo suum cuique tribuatur, artis huius gnaro facillima sunt.

Tacemus cautelas, quæ in vomitoriorum usu *non* apud Practicos ex methodi medendi legibus cordi habendæ sunt. Neque enim attinet illas seorsim Ipecacuanhæ assignare, quæ omnibus potius debentur. Imo asserere integrum fuerit, prohibitis vel quasi, illis casibus, emeticis hactenus cognitis noxiis futuris, saltem mitiorem & minus periculosam respectiue hanc ipsam fore.

Ceterum ne quid intentatum desiderari possit, operæ pretium erit meminisse quoque, quidnam examini
chi-

chimico exposita Ipecacuanha exhibeat, videndum. Hic vero nec illud omittendum, sed præmittendum potius, verum omnino esse, ignem non esse analytam absolutum & completum seu perfectum, quin immutatas omnino vires seminales offerat, neque per omnia absolutas, sed bonam partem restrictas. Imo frustraneum plane fuerit, immediato tractandi modo, eoque violento, eadem eruere velle illibata, quæ sibi relictis naturali miscela, indeque oriunda temperie elementorum & principiorum constituentium, emicant actiua.

Satis est elementa & principia illa nativæ communia, & ab aliis tamen etiam alioqui differentia, sisti ante oculos, saltem materialia, subtilioribus illis, formæ debitis, hoc censu latentibus, destructis, nec humano oculo ita obuiis.

℞. Radicis Ipecacuanhæ ℥iij. inditis tetortæ vitreæ accommodæ, apposito debito recipiente, ex igne arenæ propellatur spiritus & phlegma. Prodiit hinc liquor coloratus obscuriore paulo flavedine, ari spiritui similis, & leuiter quoque acidulus, vt spiritus tartari, eiusdem quoque virtutis, adeo, vt, cum tantillo salis tartari in cochleari confusus, efferuescentiam lenem moliretur. Liqueore martiali affuso, in momento nigrescit, vel magis atro-rubentem exhibet mixturam, occlusis poris lucidis expansi vna sulphuris, ab austero vitriolo martiali.

Vltimo loco oleum processit empyreumaticum, instar olei tartari naribus exosum, spissescens, & firmiter viæ, per quam ex retorta in cucurbitam abiit, adhærens, simulque destillationis huius actum sigillans. Caput tandem

44 DISSERT. MED. INAVG. DE IPECAC. AMER. ET GERM.
dem mortuum , præuia intimiori & perfecta calcinatione, elixiuatum & ad crystallisationem repositum, modicum quoque salis lixiui exhibet.

Pretium tandem laudari meretur , prout hæctenus in vfu fuit , 3^b enim XII. vel XVI. Grossis Misnicis parabilis haberi potest. Et hæc de radice Ipecacuanhæ famosa, nodosa, emetica, dysenterica & polychresta hac vice dicta sunt.

SOLI DEO GLORIA.



Non satis est patriis terris arcessere laudes,
ipse etiam partes exterius orbis habet,
Scilicet arte æquis naturæ passibus itur,
vndique diuinas cernere nouit opes.
Hinc meritos ars & natura apportat honores;
quos pandit summos noster Apollo Tibi;

*Ita Nobiliss. Dn. Doctorando
sincero affectu ap-
plaudis*

P R Æ S E S.

(2)
DISSERTATIO MEDICA
INAVGVRALIS

De

IRIDE

QVAM

**DIVINOSVB PRÆSIDIO
CONSENSV GRATIOSI
ORDINIS MEDICORVM**

IN

ILLVSTRI NORICORVM LYCEO

PRO LICENTIA

SVMMOS IN MEDICINA HONORES

ET PRIVILEGIA DOCTORALIA

SOLENNI RITV IMPETRANDI

PVBLICE VENTILANDAM

PROPONIT

ad d. Junij A. O. R. MDCCCX.

M. ALBERTVS HEERING

Wertha - Nor.

DISSEMINATION MEDICAL

OF THE

TRIP

DISSEMINATION MEDICAL

OF THE

TRIP

OF THE

TRIP

PROLIFERATION

DISSEMINATION MEDICAL

OF THE

TRIP

DISSEMINATION MEDICAL

OF THE

TRIP

DISSEMINATION MEDICAL

OF THE

PROOEMIUM.



Materia Medica non uno nomine similis est exercitui. Magna multitudo militum est exercitus: Materia Medica pariter innumeras penè res complectitur, ad debellandos humani corporis affectus comparatas. Exercitus in suas dividitur Legiones, Cohortes, Turmas, nec minus Medicamenta in suas distribuuntur classes atque ordines specialiores. Quemadmodum verò exercitus alicujus robur non tam è copia quàm virtute militum aestimari solet: ita remediorum non tam multitudo quàm delectus commendari meretur. Porro uti Duces exercituum plus confidunt militibus veteranis, & quorum virtus saepe variis in occasionibus enituit, quam recentibus & nondum satis exercitatis: Sic Medici prudentes auxilia preferunt quorum explorata Virtus, & à multo jam tempore constantibus experimentis comprobata existit. Hac sunt quibus instructus Natura Minister aggreditur morbos tanquàm hostes ejus, & saepe cum exigua manu plures feliciter prosternit. Hac sunt laudatissima illa polychresta, quorum tam multiplex quàm certa deprehenditur utilitas, eò magis aestimanda, quò antiquius insimul celebrata. Horum in Ordine haud infimo stat loco IRIS, medicamentum & antiquum, & efficax, & polychrestum quod etiam Dioscorides ex omnibus Materiae Medicae speciebus in prima quasi acie primum collocavit. Satis proinde dignum Thema Dissertationis Inauguralis praebeere mihi videtur: cujus elaboratio ut benè succedat, Divinum auxilium votis atque precibus meis efflagito.

§. I.

Quod *Iris arcum cœlestem*, meteorum istud æreum, emphaticum, diversicolor significet, non minus notum est, quam id, quod nonnullæ res aliæ, ob qualemcunque illius similitudinem eodem nomine indigentur. Sic *Iris* habetur *in oculo*: Sic gemma quædam: Sic plantæ genus appellatur *Iris*, à cœlestis arcus similitudine, quam flores ejus quodammodo referunt, veluti hoc etymon diserte statuit a) *Dioscorides*. Hujus plantæ tam *natuturalem* quam *medicam historiam* (cœteris omnibus missis quibus nomen *Iris* competit) evolvere decrevi. *Onomatologiam* equidem prolixius tractare non est animus, cum id ab aliis, præsertim *Cassaro Baubino* b) factum jam sit: Quare vel obiter indicasse sufficiet, quod *Iris* Græcorum & Latinorum commune sit vocabulum, quamvis utrique diversimode ejus *genitivum* forment. Ita *ἰρις* legitur apud *Hippocratem* ac *Dioscoridem*; *ἰριδος* scribit *Nicander*, teste *Borrichio*. c) Inter Latinos Veteres *M. Catoni* genitivus similis est nominativo: Sed *Columella* tam *Iridis* quam *Iris*, & hinc in accusativo *Irim*, pronunciat: *Celso* genitivus est *Iridis*. Cœterum Germanica nomina frequentiora sunt, *Schwertel* / quod figuram foliorum, & *Reiswurz* quod Radicum in aliquibus speciebus odorem respicit. Aliarum Nationum vocabula pluraque synonyma qui nosse cupit, adeat laudatum *Bauhinum* & *Christ. Mentzelium*. d)

§. II.

Ego id potius nunc agam, ut *Iridis* naturalem Historiam seu *descriptionem Botanicam* declarem. Quandoqui-

a) De Mat. Med. Libr. I. cap. 1.

b) Theat. Botan. Libr. I. Sect. VI. cap. 2.

c) Ling. Pharmacop. Lit. I.

d) Ind. nom. plant. univers. edit. nov. p. 162.

doquidem verò peramplum hoc est nomine veniens plantarum genus, præstabit utique primum illos exponere *characteres*, qui *universo generi communes sunt*, deinde autem *proprias certis speciebus notas atque differentias* subjungere. Istos igitur, nempe *genericos characteres* designare licebit Clarissimi Botanici *Jos. Pitt. Tournefort* e) observatione, juxta quam *Iris est plantæ genus, flore monopetalo, in partes sex ampliato, quarum tres sursum, tres vero deorsum spectant. Pistillum e fundo floris surgit tribus petalis instructum fornicatis, & partibus floris deorsum inflexis ita incumbentibus, ut palati cujusdam speciem præ se ferant. Calix autem deinde abit in fructum oblongum, trifariam apice debiscentem, in tria loculamenta divisum, & seminibus foetum, nunc subrotundis, nunc planis. Radix carnosæ, oblonga, repens & tunicis carens.*

§. III.

Omisi autem studio nonnulla quæ laudatus Autor ex principiis novæ methodi suæ, ad rem præsentem parum facientia, inseruit: Hoc verò prætermittere nequeo, facile conciliari posse *Tournefortum*, pluresque alios, videlicet *Morisonum*, *Ammannum*, qui *sex tantum petala Iridi* attribuunt, cum *Paulo Hermanno & Jobanne Rajo*, qui eandem *enneapetalam*, seu floris novem petalis gaudentem faciunt, computando nempe tria ista petala, quæ *Tournefort* non tam ad florem, quam pistillum ejus pertinere censuit. Ipse autem flos, accurate loquendo est *monopetalus*, tum omnia illa segmenta five sex five novem numerentur, in exortu suo cohærent, nec singulatim decidunt. Coeterum *folia figuræ gladii, & acie cauli obversa*, cum *Jobanne Rajo* f) genericis characteribus *Iridis* annumerare omnino decebit.

e) - *Instit. rei Herbar. edit. alt. p. 358.*
 f) *Hist. Plant. Tom. II. p. 1180.*

§. IV.

Accedo ad *differentias Iridis*, quæ pro diverso ad hanc aut illam plantæ partem respectu, diversæ ac plurimæ emergunt. Sic intuitu *Radicum*, *Iris* alia est *bulbosa*, alia *tuberosa* & *fibrosa*. Quælibet earum rursus amplam constituit classẽ, ac permultas complectitur species, ita quidem ut solus *Tournefort* l. c. *Irides tuberosas* LXXVII, *bulbosas* vero XXXVIII. circiter, specie distinctas enumeret: Mihi vero illas saltem accuratius considerare propositum est *species*, quæ nobilem in Medicina usum habent. Propterea *missam facio totam classẽ bulbosarum Iridum*, utpote haud officinalem, cujus etiam *differentias* sæpe laudatus *Tournefort Xiphii* communi nomine ab altera *Iridis, tuberosæ* nimirum *classe*, sagaciter distinguit: Hujus autem species neutiquam omnes, sed paucæ duntaxat explorati & frequentati sunt usus, quarum characteres paulo infra designabo.

§. V.

Ratione *foliorum* alia *Iris* est *latifolia*, multarum omnino specierum, alia *angustifolia*, non paucas quoque continens *differentias* apud *Herbarios* imprimis *Caspar. Bauhinum* & *Mentzelium* distincte inveniendas. Porro nec minimum discrimen peti solet a *florum colore*: Hujus enim varietas ingens ac tanta est, quanta in perpauca floribus aliis conspicitur. Occurrit sane præter *violaceum*, utpote vulgatiorem *Iridis* colorem, etiam *cæruleus*, *purpureus*, *luteus*, *albus*, non uno rursus modo ac gradu *differentes*: quæ quidem colorum diversitas nomini *Iridis* occasionem dedit, tametsi plures Botanici *non tam à multiplicitate colorum in specie, quàm individuo apparentium*, laudatam arcus cœlestis similitudinem deducant: Cum ex adverso *alii varietatem coloris in specie hic malint esse attendendam*. Prolixius est in ex-

pendenda hac controversia *Johannes Bodæus à Stapel g)* ad quem remitto L. B. Interim non dissimulo, quod suspicer, *haud ob solam colorum diversitatem, sed unà* (si non præcipue,) *Iridem comparari cum arcu cœlesti, propter figuram arcuatam petalorum trium reflexorum & quæ his per longitudinem adhæret, exporrectam lanuginem, ut plurimum e luteis pilis compositam, que purpureo, cœruleo, aut alio cujusvis petali colore distincta, Iridem cœlestem sic minus coacte repræsentat.*

§. VI.

Possẽm facile plura *differentiarum Iridis* momenta in medium proferre: Sed unicum hoc commemorare adhuc placet, quod *Patriam* sive *locum natalem* spectat. Hujus enim addito nomine ipsi veteres Medici designare fatigerunt certas atque *distinctas Iridis species*: sic alia *Iris* est *sylvestris*, alia *palustris*, *montana*, *sativa* &c. Sic passim apud antiquos Autores invenire licet *Iridem* diversimode cognominari *Illyricam*, *Macedonicam*, *Lybicam* &c. Recentiores vero Autores, nunc *Germanicæ*, *Belgicæ*, *Lusitanicæ*, nunc *Panonicæ*, *Illyricæ* ac seorsim *Florentinæ* mentionem faciunt.

§. VII.

Opportunum hic esse censeo, ut examinem, *quænam è differentiis illis omnibus optima sit pro medendi scopo Iris?* quam ob rem si veteres Græci & Latini consulantur, ipsi uno quasi ore *Illyricam* commendant, reliquis ferè posthabitis. Sic *Theophrastus b)* *Iridem meliorem perhibet in Illyride, quam in Macedonia esse, in Thracia verò cæterisque frigidioribus locis, ac minus cocturæ idoneis, odore penitus carere.* Quin juxta *Galeni i)* suffragium, si
Iris

g) Comment. in Theophr. H. B. p. 867.

b) De caus. plant. VI. 28.

i) De antidot. Lib. 1, c. 12.

Iris Lybica Illyricæ comparetur, tantum ipsi cedit, quantum cadaver viro corpori. Apparet hinc, causam præstantiæ *Iridis Illyricæ* non esse quærendam in eminente caliditate istius regionis, aliàs nobilior foret *Lybica* seu *Affricana*, utpote fervidiore sub coelo vegetans. Potius igitur peculiarem quandam vim soli, licet obscuram, cum *Johanne Costeo* l) in causa esse putaverim, quod in *Illyrico* excellentior nascatur. *Iris Dioscorides* & *Oribasius* pariter optimam judicant *Illyricam*, ita tamen, ut huic proximam vel æqualem faciant *Macedonicam*.

§. VIII.

Recentioribus autem temporibus, pleræque Nationes in Europa cultiores *Florentinam Iridem* anteferunt, aut saltem æquiparant *Illyricæ*, nullo quidem errore, cum & ipse *Galenus* l. c. lubens fateatur, ortam in aliis gentibus *Iridem* ab *Illyrica* tam multum haud degnerare. Quid, quod nec specie, nec florum colore *Illyricam* & *Florentinam* differre perhibeat testis *Ant. Mus. Brasavalus* m) ut & *Casp. Hoffmannus* n) qui in hoc solum discrimen ponit, quod *Illyrica* bis floreat quotannis, *Hetrusca* seu *Florentina* semel: idem verò subscribit aliis Botanicis, qui in Radice insuper differentiam statuunt, quod *Illyrica* extus quidem colore albo sit, intus autem ruffa, *ἑπὶ τοῖς ῥιζοῖς* Græce dicta, *Hetrusca* extus & intus alba; hæc odoratio, sed *Illyrica* calidior existat: pro diversitate igitur indicationum, jam melior erit *Illyrica*, jam *Florentina*.

§. IX.

Obiter hîc commemoro, Græcos Veteres duas seorsum *Illyricæ Iridis* agnovisse differentias, intuitu figuræ radice, unde *Plinio* o) narrante, alia *Rhaphanitis*, alia *rhizo-*

l) Annot. in *Mesue simpl.* cap. VII.

m) *Exam. simplic. Medic.* p. m. 243. § 49.

n) *Var. Lect. Lib. I.* cap. 8.

o) *H. N. Lib. XXI.* cap. VII.

rhizotomos appellata fuit, quorum vocabulorum sensus, juxta *Andream Cæsalphinum* p) hic est, ut *Rhaphanites Radicem in rotunditate oblongam*, *rhizotomos* autem *veluti mutilatam detruncatamque* significet, qualis quidem conditionis *Florentina Iris*, quæ communiter sub hoc nomine venditur, esse solet. Coeterum in eo fere consentiunt Botanici recentiores, quod *Iris Hetrusca*, cujus radix tanquam præstantior expetitur, *flores* terat *nivei candoris*: talem enim in Hetruria passim coli testatur *Henricus Smetius* q) *Cæsalpino*, *Casp.* *Baubino* &c. consentientibus.

§. X.

Notas bonitatis in *Iride* sequentes animadvertit l. c. *Dioscorides*, ut nimirum *pumila fere ac densa constet radice*, *frangenti contumax*, *subruffo colore*, *gustu amaro*, *odore perquam sincero*, *ita ut nullum prorsus situm redoleat*, & *quæ, dum tunditur, sternutamenta moveat*. Omnes hæ notæ ad usitatam penes nos hodie *Florentinam Iridem* facile quadrant, excepto colore, qui in hac, velut antea e *Casp. Hoffmanno* retuli, ordinarie *albidus* deprehenditur, tametsi interdum occurrant quædam frusta, intus manifeste satis rufescentia; sed talia *Illyricæ Iridis* specimina quis forsan dixerit? cui non repugnaverim, parum quippe sollicitus, quo loco nata sit, si modo præcipuis laudabilibus notis gaudeat in usum vocanda *Iris*. Juva-bit hac in re monentem sequi *Galenum* l. c. *Iridem odoratiorem semper eligito: unumquodque enim optimum est, quod sui generis odorem habet vehementiorem*.

§. XI.

Præter *Iridem* vero *Florentinam*, utpote exoticam, in usu quoque est nostratibus *Iris Sylvestris* aut vulgaris *Germanica*, *blaue Schwertel* & *Himmel Schwertel* /
B item

p) de plant. Lib. X. cap. 36. q) Miscellan. Lib. IX. cap. 2. p. 568.

item **blaue Gilgen** nuncupata. Hanc fufe describit **Casp. Bauhinus** l. c. Differentiam vero ab **Illyrica** & **Florentina** in eo præsertim ponit **C. Hoffm.** r) quod radicem gerat rugosam minusque odoratam, uti sane duplici hoc discrimine ignobilitatem suam cuivis exploranti facile prodit. Nihilominus & ipsa officinalis, & suis prædita est virtutibus non spernendis, maxime quamdiu recens fuerit **Iris** hæc nostras, quemadmodum infra pluribus edisseram. Curiosum forsan nimis est discrimen quod in **Iride** ista **Sylvestri** statuit **Nic. Wincklerus** s) quando duum esse generum censet, unam sativæ per omnia similem, nisi quod radices sint graciliores, alteram foliis gladioli longioribus, flore novem petalis purpureis constante, quorum extima superior tantum pars aureis pingatur lineis: Sed utrumque istud genus plane non differens autor ille pronunciat, radicis respectu, quam tenuem, lignosam, geniculatam, sufruffam & inodoram esse tradit.

§. XII.

Colligendi modum quod attinet, plane superstitiosum narrat **Plinius** his verbis: *Fossuri tribus ante mensibus mulsa ∇a circumfusa, hoc veluti placamento terræ blandiuntur, circumscripta mucrone gladii orbi triplici: Cum legerint eam, protinus in cælum attollunt. Tempus collectionis, judicio Mesuæ t) melius est principium Veris, quod non perperam præcipi existimat Costæus, quia tunc utili humore multo prægnans est radix, in producenda scilicet folia ac flores parato; quare & extrahendo succo magis idonea est, ac si exsiccanda sit, viribus longe superior, alioqui, si autumnum expectas, esse eo tempore solet arida, quæ alendis & foliis & floribus humore insito plurimo est exhausta; Neque autem est (quod in aliis plantis evenit) ut foliorum casum in hac expectes: quando*

r) de simpl. med. c. VIII. s) Chron. herbar. Lit. R. 3. t) Comment. in Mesic.

do, perpetuo etiam hyeme, illi inhærent. Non temere ergo Mefue vernum tempus huic eruendæ radici adscribit: hætenus ille. Coëterum communis quoque aliis radicibus existit *ratio tractandi effossam Iridem, à Dioscoride laudata, ut, frustatim dissecta siccetur in umbra, & tracta lino recondatur*: quamvis ne sic quidem conservari satis feliciter possit hæc radix, utpote quæ, jam tum Plinio teste, *non sicca modo, verum & delitescens adhuc in terra, celerrime sentiat teredines*: cum interim hoc non obstat, quo minus odoratio in vetustate reddatur ipso etiam Dioscoride observante. Est vero etiam *usus singularis succi Iridis, præsertim nostratis, è radice recenti extempore exprimendi*, quemadmodum suo loco pluribus indicabitur.

§. XIII.

Recensiturus nunc *virtutes Iridis*, haud morabor lites veterum, circa *primas ejusdem qualitates* harumque *gradus*, tametsi plerique *calidam & siccam inter secundum atque tertium ordinem statuunt*. Nonnullorum vero discrepantes sententias proponit C. Baubinus l. c. Ego potius *secundas atque tertias* sic vulgo dictas *qualitates*, utpote certiores, & multiplici effectu comprobatas enarrabo. Manifestum itaque hoc esse imprimis puto, omnem *Iridis radicem*, propter abundantiam *salis acris atque subtilis*, tam gustu quam olfactu percipiendi, *incidere, attenuare & resolvere*: propter & autem, sive *particulas* ooso *ramosas, una cum salinis substantiæ vreo, mucilaginosæ immerfas, abstergere, emollire, digerere*: quæ sane cuncta non rationi solum analoga, verum & experientiæ satis sunt conformia. Incidendi quidem & attenuandi magnam potentiam commonstrat evidentissimè constans *effectus purgatorius* vel evacuandi per alvum. Quare non solum, *Dioscoridis* testimonio, epota ex hydromelite

drachmis septem purgat bilem, crassamque pituitam, verum etiam *Ruffus*, & ex ipso *Oribasius*, u) perhibent, *succum Iridis validissime tam bilem quam aquas movere*; Imo, si plus justo detur, etiam sanguinem trahere.

§. XIV.

Dicta *virtus Iridis cathartica* facile persuasit recentioribus Medicis, ut seorsim in *hydrope* facerent periculum ejus, quamvis circa dosin haud parum dissideant: uti fane varias variorum sententias exponit *Simon Paulli* x) è quibus, inter se collatis, hoc demum colligitur, infimam dosin esse unc. β. summam unc. tres aut quatuor. Scribit *C. Hoffmannus* y) quod cum *iste succus saepe faciat ardores, non in faucibus tantum, sed & in toto corpore*, quidam prorsus abhorrere ab illo; sed distinctione hic opus esse idem censet, cum in *Germanica* id fieri verosimile sit, in *Florentina* non æque; Deinde verum id esse *de succo crudo, per residentiam non depurato*, quod tamen fieri debet si modo tutò curare volumus. *Corrigitur* autem (ut porro ille infert) *hæc acrimonia succi* à Practicis, addito *saccharo* aut *manna* aut *melle rosato*: Sed præterea hanc habet malitiam, *autore Mesue*, quod *ventriculo molesta* sit, quam ipse obtundendam præcipit *spica & mulla*.

§. XV.

Coeterum istam *succi Iridis violentiam se quidem expertum negat Mart. Listerus* z) etiamsi sæpius in *Hydrope* ad tres quatuorve unc. dederit: *an forte quod Iridis succus apud Anglos nutritæ mitior sit? At de nostratis, seu Germanicæ Iridis succo* certum satis hoc est, quod non solum potenter evacuet *hydropicos*, sed & *faucium insigni ardore* corripiat: Memorabilis hanc in rem historia, per *Jacobum Wolsium* communicata, extat in *Miscellaneis Acad.*

u) Collect. Libr. VII. c. 27. p. m. 295. x) Quadrip. Botan. p. m. 70. & de dos. medic. purg. p. 590. & 91. y) de medicam. officin. libr. I. c. 20. z) de morb. Chron. Exercit. I. p. m. 57, 58.

Acad. Nat. Curiosorum aa). Ut autem jucunde non minus quàm tuto operetur validum hoc purgans, medici diversos corrigendi per aromatica, saccharata, mellita &c. modos præscribunt, cujusmodi tres egregios exhibet l. c. *Smetius*. Nec contemnenda forsàn est methodus *Theod. Mayernii bb*) quando *succi è rad. Irid. express.* & per subsidentiam parati unc. ss. cum Syrup. ros. solutiv. unc. ij.: simul ordinat hydropicis. Idem Auctor pro eodem scopo, non minus commendat ipsam radicem, in substantia exhibendam, sequentibus verbis: *Hydragogum excellens est rad. Ireos Flor. rec. & fragrans, in tenuiss. pulv. redacta, ex vino albo à 3j ad 3ij sumta copiose operatur & blande. Sæpius dedi hydropicis felici successu, & per se & cum jalap. [cui permixta egregiè purgat] & cum Mercurio dulci. Consumit materiam cachexiæ & hydropis, & tumores œdematosos usu tollit. R. Ir. Flor. 3ij, macis 3ij, zinzib. 3ij vel 3ss, F. pulvis Detur quotidie mane cochlear, j. cum saccharo in vino albo vel cerevisia. vel. R. Irid. Flor. 3j. Tartari ʒlati, macis, cort. Wint. cort. sassafir. aa gr. v. sandal. citr. cur. cumæ, aa ʒss, sacch. anis. 3j. M. f. pulv. pro una dosi, Detur ex vino quotidie.*

§. XVI.

Atque ita satis me declarasse puto insignem *Iridis vim cathartica*m præsertim in educendis aquis *Asciticorum*. Pariter autem purgandi sine *Oribasius* l. c. drachmas tres illius radice ex melicrato sumendam suadet splenetis, quotidianam aut quartanam febrem habentibus, spiritus angustia laborantibus, & quos tussis & colicus dolor infestat. Quantum ad febrifugum usum attinet, hunc quidem ab aliis medicis tantopere laudatum non deprehendo, quod autem colicis torminibus, apud infantes maximè, medeatur, si quando talia saburræ viscido flatulentæ originem debent,

tam *virtus Iridis incidendi & abstergerendi* in dubium facit, quàm creberrima Practicorum experientia confirmat. E multis unicum *Simonem Paulli* vocare placet in testimonium l. a. ita scribentem : *Utilis quoque est [Iris Florentina] ventris inflationibus medendis ; quibus quoniam facile recens nati infestari solent , temperare mihi non possum, quin vobis descriptionem pulveris communicem , cujus usu D. Jacobus Martini quam plurimos ab his vindicavit , propinando eis hujus scrupulum unum itemque alterum in lacte nutricis solutum. R. autem rad. Pæon. Ir. Flor. aa ʒij. Croci ʒij. Sacch. albi ʒij candi ʒiſs. Penidii ʒß. misc. f. l. a. pulvis subtilissimus.*

§. XVII.

Non solum autem propter particulas incidentes atque *abstergentes Iridem sedare tormina* verosimile est, sed etiam mediante *Are* blando balsamico , quod pacandis cum nervoso genere spiritibus idoneum perquam videtur. Huc digitum intendit *Dioscorides* , dum & *somnum conciliare Iridem* asseverat. Verissimum id esse *Listerus* testatur. Effectum tamen hunc limitat *C. Hoffmannus*, eundemque non à vi narcotica sed *substantiâ vaporosâ* , [quali constet quoque *Crocus*, *Myrrha*, *Ambra* &c.] procedere putat. Id autem fieri in *corporibus frigidis & humidis*, non calidis & siccis : subscribit huic sententiæ *Simon Paulli*, ne plures adducam testes : cum interim existimem requiri ad istum effectum obtinendum non modo *fragrantiorē Florentinam Iridem* , sed ipsam probe ficcā ac diurnæ evaporationis beneficio a sale acriori volatili liberatam : Hæc enim forsā est ratio , quare *Iris vetustior elegantius fragret quam recens*. Atque ut meum qualecunque iudicium proferam , ubi magis incidendum , resolvendum & evacuandum est , *Iris recens*, vel succus ejus præstabit, ubi vero demulcendum & roborandum, potius anosa ac per ipsam *vetustatem blandior reddita* conveniet.

§. XVIII.

§. XVIII.

Taceo varias insuper *vires* Iridi a variis attributas, nimirum *urinam*, *calculum* & *menses movendi* &c. quæ fane ex dictis per analogiam facile probabiles redduntur. Quod *gonorrhæa* simplici aut involuntariò seminis profluvio laborantibus Iris conducatur, non tantum *Dioscorides* tradidit, verum & *Gabr. Fallopius* cc) suam addit experientiam, se scilicet pluries in hoc casu usum, maximo cum successu, exhibendo radicis hujus pulverisatæ ʒj. cum Sacchari rosati ʒiſs, quotidie per dies quadraginta mane, hujus mixturæ cochleare unum exhibendo. Sit fides penes auctorem. Vulgatior fane est *usus errhinus*, quandoquidem non solum, *Dioscoride* jamdum observante, *sternutamenta* & *lachrymas movet*, naribus nempe excepta *Iris*, adeoque ab extravasatis & stagnantibus serosis humoribus caput liberat, irritante salis acrimonia, sed etiam suavis & reus exhalationibus roborat, spiritusque reficit, quotidie hinc eo nomine frequentata.

§. XIX.

Coeterum excellit omnino *Iris pectorali virtute*, ita ut vix magis concordēs ullibi medicos invenire liceat, quàm in hac asserenda. Plurimi tamen etiam hos usui præfigunt terminos, ne ultra statum *frigide* & *humide intemperi* ille extendatur. Quare *perperam* in hac radice quærerent solatium *tussi sicca*, *hæmoptysi* aut *phthysi vera* *afflicti*, quibus ipsa propter acrimoniam & caliditatem suam non poterit non obesse magis. Rectius itaque præscribitur *asthmaticis* & *infarctu pulmonum humido-viscido laborantibus*: hunc enim potenter resolvit, & ad facilem expectorationem disponit. Ingreditur propterea *Iris* plerasque *compositiones* tam *officinales* quàm *magistrales*, *pectoris*, per tussim & scretum mundificando *dicatas*. Pro-

stant

stant in officinis duplices *Dia-Ireos species*, nimirum *simplices*, & *compositæ* Actuarii aut *Salomonis*: Utrarumque accuratam analysin *Bern. Dessenius Cronenburgius dd)* & *Franc. Alexander ee)* instituerunt. Mihi vero in præsens sufficit de illarum usu perdocta *C. Hoffmanni ἐπίκρισις*, quod nempe non ad purgandum faciant, verum ad destillationes, hac limitatione, ut simplicis quidem usus sit ab initio, antequam malum invalescat, compositæ autem in affectu diuturno, præsertim frigido.

§. XX.

Potest autem fere commodius *ex tempore in pulverem redacta Iris* præscribi, & singulis casibus, vel sola, vel juncta aliis, propinari, facilius sic determinanda dosi & accommodando usu ad cujusvis ægroti statum, & medici arbitrium. Est enim profecto *Iris* ex illorum simplicium numero, quæ *quam minima præparatione indigent*, sed probe tantum siccata & conservata in quaslibet formulas prompte rediguntur. Quare nec operæ pretium duco evolvere plures, aut olim, aut hodiernum officinis familiares *ex Iride compositiones*. Quin & nonnullæ frustra suscipiuntur præparationes, cujusmodi est *aquæ Iridis* destillatio, cui (licet odore & sapore prorsus non careat) facile tamen palmam præcipit *infusum aut decoctum*. *Job. Poppius ff)* mentionem facit *olei ex Iride destillandi*, quod tanquam nobilissimum remedium cephalicum, & inprimis pulmonum, tum etiam aliorum viscerum languoribus succurrens ille commendat. Mihi vero quærenti *oleum Iridis, mediante* (ut artis est) *cum aqua destillatione*, nihil comparuit, præter ipsam aquam quodammodo albidam ac turbidam, odoratam tamen, supernatante *paucissima unguedine*, qualis fere cum aqua rosarum prodire solet; ut adeo aut mentitum esse, aut alia methodo destillasse suum *Iridis oleum* suspicer *Poppium*. §. XXI.

dd) de compos. medicam. p. m. 172. 73. ee) Apoll. ad 1. p. m. 163. 65.

ff) Reiterbuch p. 424. & 25.

§. XXI.

Usitatus, & citra difficultatem parabile est, per infusionem & coctionem, o^o eum *Irinum* jam pridem celebratum & creberrime adhibitum, quod quibus locis olim maxime præstans fuerit confectum *Plinius* edocet. Ipsæ verò compositiones à diversis traduntur diversæ. Nostribus in officinis extat o^o eum *Irinum Mesuæ*, quod unam radicis, duas florum partes in o^o eo veteri macerandas & coquendas secundum artem recipit, quod etiam exceptionem facit illius *asserti Pliniani*, quod *Iris radice tantum commendetur*. Quamvis existimem, flores omnino plurimum imbecilliores esse radicibus, illosque in compositione olei citra errorem omitti posse, aucto saltem harum pondere. Coeterum *usus o^o ei Irini* (quod calidissimum & penetrantissimum *C. Hoffmannus* pronunciat) *ordinarie saltem est externus*, quem tamen in *Pharmacop. Augustana* prolixius laudatum jam non moror, sed potius ad *Iridis ipsius externe vario modo adhibitæ nobiles quosdam effectus merito pandendos propero*.

§. XXII.

Meretur autem hoc primum notari, quod *masticata Iris halitum oris commendet*, proptereaque *dentifriciis pulveribus* communiter addatur; quia non solum balsamico ære putredinem gingivarum præcavet, sed & has unâ cum dentibus abstersiva virtute mundificat, & nitidiores reddit, denique etiam confirmat. Quin & *Iridis decocto*, si *dentes foveantur*, *dolorem eorum mitigari* perhibet (*Jacobus Horstius* gg.) Popularis neque vituperandus mos est, *infantibus dentitione occupatis appendere Iridem Florentinam*, ut hujus crebriori commorsu *facilitetur ipsorum dentium eruptio*. Seorsim quoque *ozæna laborantibus*, aut quibus *alias anima foetet*, *Iridem mandendo conducere testatur*

C

tur

tur Simon Paulli l. c. ubi & ipse *usum Iridis in pulveribus sic dictis cypriis* capiti roborando & capillicio conspergendo excogitatis, horumque *abusum* erudite examinat, & perstringit.

§. XXIII.

Coeterum *pleraque de usu Iridis interno*, in variarum partium affectibus salutari, a me relata, *de externo etiam usu predicari possunt*. Sic pro *capite roborando*, & *doloribus ejusdem frigidis sedandis*, oportune *Iris* recipitur *ad cucuphas* aut *facculos capitales*. Sic *respiratione difficili* ab infarctu pulmonum viscido, nec non *tussi humida* laborantibus prodest *fomentum pectoris ex Iride vel* ϕ *eum ipsius illitum*. *Pulverisata* *Iris* cum *zedoaria* & *calamo aromatico*, inspersa *calido pani e clibano extracto*, atque imposita *ventri*, *fortissimam colicam mitigat*, fidem faciente *Horstio l. c.* *Tusam* & *decoctam Iridis radicem in fotu adhibendam*, *adversus mensium obstructions*, commendat *Hippocrates*, cui consentit *Dioscorides*, hoc etiam addens, *quod cum melle, glandis modo subdita Iris, partum extrahat*.

§. XXIV.

Laudatur insuper *Iris*, uno quasi ore a medicis, tanquam *topicum emolliens ac digerens validissimum*: quod quidem nomine ipsam iterum extollit *Dioscorides*, *quod cocta & illita strumas, veteresque duritias emolliat*. Qui vero tumores *resolvi adhuc queunt*, eorundem *materiam non minus promte dissipat*, unde *Scribonius Largus ii)* *Irim Illyricam coctam ex passo, calide bis ter vè impositam bene discutere parotidas* observavit. Neque minus *eminet abstergendi potentia Iris*, utpote cui tam *salinæ acres* quam *æreo-mucilaginosæ* ejus *moleculæ famulantur*; Quapropter *smecticis remediis* jure suo dudum *annumerata fuit*. *Admotam hinc radicem Iridis*, cum *albo veratro*, & *duabus mellis partibus*, *lentigines & vitia*

ib) Lib. de nat. muliebr. edit. Foes. Sect. IV. p. m. 140. ii) Composit. med. n. 43.]

vitia cutis in facie à sole contracta emaculare, autor est Dioscorides. Eandem ob rationem hodieque smegmatibus sive saponibus odoratis, (quorum usu gaudent delicatuli ad abstergendam & nitidiorem reddendam cutem) Iris Florentina tolet immisceri.

§. XXV.

Nec silentio possum prætermittere eximiam vim *Iridis traumaticam*, quæ a plurimis commendata legitur, tametsi magis *ad antiquas & sordidas partium solidarum continuitatis solutiones*, e.g. *ulcera* varii generis, quam *ad vulnera recentia* usus ille restringitur. Hic iterum adest suo testimonio *Dioscorides*, *siccam Iridem ulcera replere, cum melle purgare, nudata ossa carne operire, &c.* Huic omnino suffragatur *Mesue. Hieron. Tragus* II, insuper *ulceribus cancris, fistulis, herpeti* aliisque, *genitalium* præsertim vitiis *inspersam Iridem* conducere affirmat. Ne usum in specie contra *paronychiam* è quorundam observatione hic commemorem prolixius, id saltem puto minime obscurum esse, quod *Iris*, partim mediantibus *salino-smecticis particulis*, ulcerum atque vulnerum mundificationi; *sulphureo-balsamica* autem *substantia*, putredinis correctioni, carnum regenerationi & consolidationi aptissima existat. Has hætenus propositas *Iridis egregias dotes atque tam internas quam externas utilitates* qui secum perpendarit, facile, puto, adstipulabitur *Plinio*, qui istam *unguentis & medicinæ natam*, cum admiratione pronunciat: Nec hyperbolice locutum judicabit *Dioscoridem*, qui in *universum magni ad omnia usus, Iridem* esse declarat.

§. XXVI.

Coronidis loco nonnihil annexam *de usu Iridis extra Medicinam*, aut saltem non directe ad hanc pertinente. Fragrantia certe hujus radicis, & balsamicus character

mor-

mortalibus haud difficulter persuasit, ut ad conservandas à corruptione & condiendas res varias, illam expeterent. Sic vestimentis additur, ut tineas prohibeat, & erosionem à vermibus impediat, dictitante Horstio, qui etiam usum in condiendis cadaveribus Magnatum, cum Simone Paulli expresse laudat.

§. XXVII.

Virtus ad vinum & dolia (quibus hoc asservatur) *condienda*, jam olim explorata fuit. Sic *M. Cato mm)* ad labra doliorum circumlinenda, ut bene odorata fient, & ne quid vitii in vinum accedat, Irim aridam contusam praescribit: Qui usus hodiernum fere passim obtinet, quando lintea sulphuri liquefacto intincta, Iride praesertim, tum aliis fragrantibus rebus conspersa (vulgo etuschlag vocant) accensa suspenduntur in doliis, ut hoc suffimigio perfusa vinum rectius conservent. Quin & *Columella nn)* ad vinum dulce faciendum, & alias diversimode salubriter condiendum, Irim in substantia infundendam praecipit. Tribus saltem verbis hoc refero, quod è floribus Iridis, violacei aut saturati caerulei coloris, paretur atramentum caeruleum, (Weil-blaue Saft Farbe) cujus conficiendi artificium accurate recensuit *P. M. Caneparius oo)* & *Johannes Rajus* l. a. Ego hic pedem figo, Lect. benev. veniam deprecatus, sicubi erraverim, aut justo brevior forsitan in tractatione hujus thematis visus fuerim; uti certe tam paucis plagulis omnia ad illud referenda me complecti non potuisse ultro confiteor. DEO autem T. O. M. ut pro aliis innumeris beneficiis, ita quoque pro concessis hucusque Academicorum studiorum ad-
miniculis devotissimas nuncupo gratias.

F I N I S.

mm) de re rust. c. CVII.

nn) de R. R. Libr. XII, c. 27.

oo) de atram. descript. V. c. 4.

